

摘藻堂四庫全書薈要

子部

欽定四庫全書薈要

子部

內經素問卷

四
五

詳校官主事_臣陳本



欽定四庫全書蒼要卷一萬四百三十

子部

黃帝內經素問卷四

唐王冰次注

宋林億等校正

移精變氣論

異法方宜論

玉板論要論

湯液醪醴論

診要經終論

異法方宜論篇第十二

新校正云按全元起本在第九卷



黃帝問曰醫之治病也一病而治各不同皆愈何也

不同

謂鍼石灸炳毒藥導引按蹻也

岐伯對曰地勢使然也

謂法天地生長收藏及高下燥

濕之勢

故東方之域天地之所始生也

法春氣也

魚鹽之地海

濱傍水

魚鹽之地海之利也濱水際也隨業近之

其民食魚而嗜鹹皆安其

處美其食

豐其利故居安志其味故食美

魚者使人熱中鹽者勝血

魚

瘡則熱中之信鹽

故其民皆黑色疎理其病皆為癰瘍

血弱而熱故

其治宜砭石

砭石謂以石為鍼也山海經曰高氏之山有石如玉可以

皆為癰瘍

為鍼則砭石也

新

故砭石者亦從東方來

東人今

西

校正云按氏一作

伐

方者金玉之域沙石之處天地之所收引也

法秋氣也引謂牽引

使收斂也

其民陵居而多風水土剛強

居室如陵故曰陵居金氣肅殺故水土剛

強也

新校正云詳大抵西方地高民居高陵故多風也不必室如陵矣

其民不衣而褐薦

其民華食而脂肥

不衣絲綿故曰不衣褐謂毛布也薦謂細草也華謂鮮美酥酪骨肉之類

也以食鮮美故人體脂肥

故邪不能傷其形體其病生於內

水土剛強飲食

脂肥膚腠閉封血氣充實故邪不能傷也內謂喜怒悲憂恐及飲食男女之過甚也

新校正云詳悲一作思

當作思已具陰陽應象大論注中

其治宜毒藥

能攻其病則謂之毒藥以其血氣盛肌肉堅飲

食華水土強故病宜毒藥方制御之藥謂草木蟲魚鳥獸之類皆能除病者也

故毒藥者亦從

西方來

西人方術
今奉之

北方者天地所閉藏之域也其地高

陵居風寒冰冽

法冬
氣也

其民樂野處而乳食藏寒生滿病

水寒冰冽故生病於藏寒也

其治宜灸燭

火艾燒灼
謂之灸燭

故

新校正云按甲乙經無滿字

灸燭者亦從北方來

北人正
行其法

南方者天地所長養陽之

所盛處也其地下水土弱霧露之所聚也

法夏氣也地
下則水流歸

之水多故土

其民嗜酸而食胘

言其所食不芬香
校正云按全元起云食

新

也故其民皆緻理而赤色其病攣痺

酸味收斂故人皆
肉理密緻陽盛之

處故色赤濕氣內滿熱
氣內薄故筋攣脉痺也

其治宜微鍼

微細小也細小之
鍼調脉衰盛也

故九鍼者亦從南方來

南人盛崇之

中央者其地平以濕天

地所以生萬物也衆

法土德之用故生物衆然東方海南方下西方北方高中央之地平

以濕則地形新異生病殊焉

其民食雜而不勞

四方輻輳而萬物交歸故人食紛雜而不

勞故其病多痿厥寒熱

濕氣在下故多病痿弱氣逆及寒熱也陰陽應象大論曰地之

濕氣感則害皮肉筋脉居近於濕故爾

其治宜導引按蹻

導引謂搖筋骨動支節按謂抑

按皮肉蹻謂捷舉手足

故導引按蹻者亦從中央出也

中人用為養神調氣

之正故聖人雜合以治各得其所宜

隨方而用各得其宜惟聖人法乃能

然故治所以異而病皆愈者得病之情知治之大體也

達性懷
故然

移精變氣論篇第十三

新校正云按全元起本在第二卷

黃帝問曰余聞古之治病惟其移精變氣可祝由而已

今世治病毒藥治其內鍼石治其外或愈或不愈何也

移謂移易變謂變改皆使邪不傷正精神復強而內守也生氣通天論曰聖人傳精神服天氣上古天真論曰

精神內守岐伯對曰往古人居禽獸之間動作以避寒

陰居以避暑內無眷慕之累外無伸宦之形

新校正云按全元起

本仲作史此恬憺之世邪不能深入也故毒藥不能治其內

鍼石不能治其外故可移精祝由而已

古者巢居穴處夕隱朝游禽獸

之間斷可知矣然動躁陽盛故身熱足以禦寒涼氣生寒故陰居可以避暑矣夫志指思想則內無眷慕之累心亡願欲故外无伸官之形靜保天真自無邪勝是以移精養氣無假毒藥祝說病由不勞鍼石而已新校

正云按全元起本祝由南方神

當今之世不然

情慕云為遠於道也

憂患緣其內

苦形傷其外又失四時之從逆寒暑之宜賊風數至虛邪朝夕內至五藏骨髓外傷空竅肌膚所以小病必甚大病必死故祝由不能已也帝曰善余欲臨病人觀死生決嫌疑欲知其要如日月光可得聞乎岐伯曰色脉

者上帝之所貴也先師之所傳也

上帝謂上古之帝先師謂岐伯祖世之師

做貸季也上古使做貸季理色脉而通神明合之金木水火

土四時八風六合不離其常

先師以色白脉毛而合金應秋以色青脉弦而合木

應春以色黑脉石而合水應冬以色赤脉洪而合火應夏以色黃脉代而合土應長夏及四季然以是色脉下

合五行之休王上副四時之往來故六合之間八風鼓

下文曰變化相移以觀其妙以知其要欲知其要則色脉

是矣

言所以知四時五行之氣變化相移之要妙者何以色脉故也

色以應日脉以應

月常求其要則其要也

言脉應月色應日者占候之期準也常求色脉之差忒是則平

人之診要也

夫色之變化以應四時之脉此上帝之所貴以

合於神明也所以遠死而近生

觀色脉之藏否曉死生之徵兆故能常遠於死

而近於生也

生道以長命曰聖王

上帝聞道勤而行之生道以長惟聖王乃爾而常用

也中古之治病至而治之湯液十日以去八風五痺之

病

八風謂八方之風五痺謂皮肉筋骨脉之痺也靈樞經曰風從東方來名曰嬰兒風其傷人也外在筋紐

內含於肝風從東南方來名曰弱風其傷人也外在於肌內含於胃風從南方來名曰大弱風其傷人也外在於脉內含於心風從西南來名曰謀風其傷人也外在於肉內含於脾風從西方來名曰剛風其傷人也外在於皮內含於肺風從西北來名曰折風其傷人也外在於手太陽之脉內含於小腸風從北方來名曰大剛風

其傷人也外在於骨內舍於腎風從東北來名曰凶風
其傷人也外在於腋脇內舍於大腸又痺論曰以春甲
乙傷於風者為筋痺以夏丙丁傷於風者為脉痺以秋
庚辛傷於風者為皮痺以冬壬癸傷於風者為骨痺以
至陰遇此者為肉痺是所謂八風五痺之病也 新校
正云按此注引痺論今經中痺論不如此當云風論曰
以春甲乙傷於風者為肝風以夏丙丁傷於風者為心
風季夏戊己傷於風者為脾風以秋庚辛中於風者為
肺風以冬壬癸中於風者為腎風痺論曰風寒濕三氣
雜至合而為痺以冬遇此者為骨痺以春遇此者為筋
痺以夏遇此者為脉痺以至陰遇
此者為肌痺以秋遇此者為皮痺 十日不已治以草蘇

草蒺之枝本末為助標本已得邪氣乃服

草蘇謂藥煎也草蒺謂草

根也枝謂莖也言以諸藥根苗合成其煎俾相佐助而
以服之凡藥有用根者有用莖者有用枝者有用華實

者有用根莖枝華實者湯液不去則盡用之故云本末
為助也標本已得邪氣乃服者言工人與病主療相應
則邪氣率服而隨時順也湯液醪醴論曰病為本工為
標標本不得邪氣不服此之謂主療不相應也或謂取
標本論末云鍼也新校正云按全元起本又云得其標本邪氣乃散矣暮世之治病也則
不然治不本四時不知日月不審逆從

四時之氣各有所在不本其處

而即妄攻是反古也四時刺逆從論曰春氣在經脉夏
氣在孫絡長夏氣在肌肉秋氣在皮膚冬氣在骨髓工
當各隨所在而辟伏其邪爾不知日月者謂日有寒溫
明暗月有空滿虧盈也八正神明論曰凡刺之法必候
日月星辰四時八正之氣氣定乃刺之是故天溫日明
則人血淖液而衛氣浮故血易寫氣易行天寒日陰則
人血凝泣而衛氣沉月始生則血氣始精衛氣始行月
郭滿則血氣實肌肉堅月郭空則肌肉減經絡虛衛氣

去形獨居是以因天時而調血氣也是故天寒無刺天
溫無疑月生無寫月滿無補月郭空無治是謂得時而
調之因天之序盛虛之時移光定位正立而待之故曰
月生而寫是謂藏虛月滿而補血氣揚溢絡有留血命
曰重寶月郭空而治是謂亂經陰陽相錯真邪不別沈
以留止外虛內亂淫邪乃起此之謂也不當逆從者謂
不審量其病可治與
不可治故下文曰
病形已成乃欲微鍼治其外湯液

治其內

言心意粗略不精審也

粗工兇兇以為可攻故病未已新

病復起

粗謂粗略也兇兇謂不料事宜之可否也何以言之假令飢人形氣羸劣食令極飽能不霍乎

豈其與食而為惡耶蓋為失時復過節也非病逆鍼石
湯液失時過節則其害反增矣
新校正云按別本霍

一作
帝曰願聞要道岐伯曰治之要極無失色脉用之

不惑治之大則

惑謂惑亂則謂法則也言色脉之應昭然不欺但順用而不亂紀綱則治病審

當之大法也

逆從到行標本不得亡神失國

逆從到行謂反順為逆標本不

得謂工病失宜也以反理到行所為非順豈惟治人而神氣受害若使之輔佐君主亦令國祚不保康寧矣

去故就新乃得真人

標本不得工病失宜則當去故逆理之人就新明悟之士乃得至真

精曉之人以全已也

帝曰余聞其要於夫子矣夫子言不離色脉

此余之所知也岐伯曰治之極於一帝曰何謂一岐伯

曰一者因得之

因問而得之也

帝曰奈何岐伯曰閉戶塞牖繫

之病者數問其情以從其意

問其所欲而察是非也

得神者昌失

神者亾帝曰善

湯液醪醴論篇第十四

新校正云按全元起本在第五卷

黃帝問曰為五穀湯液及醪醴柰何

液謂清液醪醴謂酒之屬也

岐

伯對曰必以稻米炊之稻薪稻米者完稻薪者堅

堅謂資其

堅勁完謂取其完全完全則酒清冷堅勁則氣迅疾而効速也

帝曰何以然

言何以能完堅耶

岐伯曰此得天地之和
高下之宜故能至完
伐取得時

故能至堅也

夫稻者生於陰水之精首戴天陽之氣二者和合然乃化成故云得天地之和而能

至完秋氣勁切霜露凝結稻以冬採故云伐取得時而能至堅

帝曰上古聖人作湯液

醪醴為而不用何也岐伯曰自古聖人之作湯液醪醴

者以為備耳

言聖人愍念生靈先防萌漸陳其法制以備不虞耳

夫上古作湯液

故為而弗服也

聖人不治已病治未病故但為備用而不服也

中古之世道德

稍衰邪氣時至服之萬全

雖道德稍衰邪氣時至以心猶近道故服用萬全也帝

曰今之世不必已何也

言不必如中古之世何也

岐伯曰當今之世

必齊毒藥攻其中鑱石鍼艾治其外也

言法殊於往古也

帝曰

形弊血盡而功不立者何岐伯曰神不使也帝曰何謂

神不使岐伯曰鍼石道也

言神不能使鍼石之妙用也何者志意違背於師示故也

精神不進志意不治故病不可愈

動離於道耗散天真故爾新校正云按

全元起本云精神進志意定故病可愈太素云精神越志意散故病不可愈

今精壞神去榮

衛不可復收何者嗜欲無窮而憂患不止精氣弛壞榮

泣衛除故神去之而病不愈也

精神者生之源榮衛者氣之主氣主不輔生源

復消神不內居病何能愈哉

帝曰夫病之始生也極微極精必先入

結於皮膚今良工皆稱曰病成名曰逆則鍼石不能治

良藥不能及也今良工皆得其法守其數親戚兄弟遠

近音聲日聞於耳五色日見於目而病不愈者亦何暇

不早乎

新校正云按別本暇一作謂

岐伯曰病為本工為標標本不

得邪氣不服此之謂也

言醫與病不相得也然工人或親戚兄弟該明情疑勿用工先

備識不謂知方鍼艾之妙靡容藥石之攻匪預如是則道雖昭著萬舉萬全病不許治欲奚為療五藏別論曰拘於鬼神者不可與言至德惡於鍼石者不可與言至巧病不許治者病必不治治之無功此皆謂工病不相得邪氣不賓服也豈惟鍼艾之有惡哉藥石亦有之矣新校正云按移精變氣論曰標本已得邪氣乃服

帝曰其有不從毫毛而生五藏陽以竭也

新校正云按全元起本及

太素陽作傷義亦通

津液充郭其魄獨居孤精於內氣耗於外形

不可與衣相保此四極急而動中是氣拒於內而形施

於外治之奈何

不從毫毛言生於內也陰氣內盛陽氣竭絕不得入於腹中故言五藏陽以竭

也津液者水也充滿也郭皮也陰稽於中水氣脹滿

上攻於肺肺氣孤危魄者肺神腎為水官子不救母故

云其魄獨居也夫陰精損削於內陽氣耗減於外則三

焦閉溢水道不通水滿皮膚身體否腫故云形不可與

衣相保也凡此之類皆四支脉數急而內鼓動於肺中

也肺動者謂氣急而欬也言如是者皆水氣格拒於腹

膜之內浮腫施張於身形之外欲窮標本其可得乎四

極言四末則四支也左傳曰風淫末疾靈樞經曰陽受

氣於四末新校正云岐伯曰平治於權衡去宛陳莖

詳形施於外施字疑誤

新校正云按微動四極溫衣繆刺其處以復其形開鬼

太素莖作莖

門潔淨府精以時服五陽已布踈滌五藏故精自生形

自盛骨肉相保巨氣乃平

平治權衡謂察脉浮沉也脉浮為在表脉沈為在裏在裏

者泄之在外者汗之故下次云開鬼門潔淨府也去宛陳莖謂去積久之水物猶如草莖之不可久留於身中也全本作草莖微動四極謂微動四支令陽氣漸以宣行故又曰溫衣也經脉滿則絡脉溢絡脉溢則繆刺之以調其絡脉使形容如舊而不腫故云繆刺其處以復其形也開鬼門是啓玄府遣氣也五陽是五藏之陽氣也潔淨府謂寫膀胱水去也脉和則五精之氣以時實服於腎藏也然五藏之陽漸而宣布五藏之外氣穢復除也如是故精髓自生形肉自盛藏府既和則骨肉之氣更相保抱大經脉氣然乃平復爾帝曰善

玉版論要論第十五

新校正云按全元起本在第二卷

黃帝問曰余聞揆度奇恒所指不同用之奈何岐伯對

曰揆度者度病之淺深也奇恒者言奇病也請言道之至數五色脉變揆度奇恒道在於一

一謂色脉之應也知色脉之應則可

以揆度奇恒矣云按全元起本請作謂

新校正

神轉不回回則不轉乃失其

機

血氣者神氣也八正神明論曰血氣者人之神不可不謹養也夫血氣應順四時遞遷因王循環五氣無

相奪倫是則神轉不回也回謂却行也然血氣隨王不合却行却行則反常反常則回而不轉也回而不轉乃失生氣之機矣何以明之夫木衰則火王火衰則土王土衰則金王金衰則水王水衰則木王終而復始循環此之謂神轉不回也若木衰水王水衰金王金衰土王土衰火王火衰木王此之謂回而不轉也然反天常軌

生之何有耶

至數之要迫近以微

言五色五脉變化之要道迫近於天常而又微妙

著之玉版命曰合玉機

玉機篇名也言以此回轉之要旨著之玉版合同於玉機論文

也新校正云詳道之至數至此與玉機真藏論文相重注頗不同

容色見上下左右各

在其要

容色者他氣也如肝木部內見赤黃白黑色皆謂他氣也餘藏率如此例所見皆在明堂上下

左右要察候處故云各在其要全元起本容字作容視色之法具

新校正云按甲乙經中

其色見

淺者湯液主治十日已

色淺則病輕故十日乃已

其見深者必齊主

治二十一日已

色深則病甚故必終齊乃已

其見大深者醪酒主治

百日已

病深甚故日多色夭面脫不治

色見大深魚之夭惡面肉又脫不可治也百

日盡已

色不夭面不脫治之百日盡可已新校正云詳色夭面脫雖不治然期當百日乃已盡也

脉短氣絕死

脉短已虛加之漸絕
其氣將竭故必死

病溫虛甚死

甚虛而病溫

氣內涸其精血故死

色見上下左右各在其要上為逆下為從

於下者病生之氣也故從色見於上者傷神之兆也故逆

女子右為逆左為從男子

左為逆右為從

左為陽故男子右為從而左為逆
右為陰故女子右為逆而左為從

易重

陽死重陰死

女子色見於左男子色見於右是變易也
男子色見於左是曰重陽女子色見於右

是曰重陰氣極則反故皆死也

陰陽反他

新校正云按陰陽應象大論云陰陽反作

治在權

衡相奪奇恒事也揆度事也

權衡相奪謂陰陽二氣不得高下之宜是奇於恒常

之事當揆度其氣隨宜而處療之

搏脉痺寒熱之交

脉擊搏於手而病痺痺及擊

者皆寒熱之氣交合所為
非邪氣虛實之所生也

脉孤為消氣虛泄為奪血

夫脉

有表無裏有裏無表皆曰孤亡之氣也若
有表有裏而氣不足者皆曰虛衰之氣也孤為逆虛為

從孤無所依故曰逆

行奇恒之法以太陰始

凡揆度奇恒之法先

以氣口太陰之脉定四時之
正氣然後度量奇恒之氣也行所不勝曰逆逆則死

木

金脉金見火脉火見水脉水見土脉土見木脉如
是皆行所不勝也故曰逆賊勝不已故逆則死焉行所

勝曰從從則活

木見水火見土水见金土见木火见金水见火

如是者皆可勝之脉故曰從從
則無所尅殺傷敗故從則活也八風四時之勝終而復

始以不越於五行故雖相
勝猶循環終而復始也逆行一過不復可數論要

畢矣

過謂通也然逆行一過遍於五氣者不復可數為平和矣

診要經終論篇第十六

新校正云按全元起本在第二卷

黃帝問曰診要何如岐伯對曰正月二月天氣始方地

氣始發人氣在肝

方正也言天地氣正發生其萬物也木治東方王七十二日猶當三月節

後一十二日是木之用事以月而取則正月二月人氣在肝

三月四月天氣正方地

氣定發人氣在脾

天氣正方以陽氣明盛地氣定發為萬物華而欲實也然季終土寄而王

土又生於丙

五月六月天氣盛地氣高人氣在頭

天陽赫盛

地焰高升故言天氣盛地氣高火性炎上故人氣在頭也

七月八月陰氣始殺人氣

在肺

七月三陰支生八月陰始肅殺故云陰氣始殺也然陰氣肅殺類合於金肺氣象金故人氣在肺也

九月十月陰氣始冰地氣始閉人氣在心

陰氣始凝地氣始閉隨陽

而入故人

氣在心 十一月十二月冰復地氣合人氣在腎

陽氣深復

故氣在腎也夫氣之變也故發生於木長茂於土盛高而上肅殺於金避寒於火伏藏於水斯皆隨順陰陽氣

之升沉也五藏生成篇曰五藏之象可以類推此之謂氣類也

故春刺散俞及與分理

血出而止

散俞謂問穴分理謂肌肉分理按四時刺逆從論云春氣在經脉

此散俞即新校正云

經脉之俞也又水熱穴論云春取絡脉分肉

甚者傳氣間者環也

辨疾氣之間甚也傳

謂相傳環謂循環也相傳則傳所不勝循環則周迴於五氣也

新校正云按太素環也作環已夏刺

絡俞見血而止盡氣閉環痛病必下

盡氣謂出血而盡
鍼下取所病脉盛

邪之氣也邪氣盡已穴俞閉密則經脉循環而痛病之
氣必下去矣以陽氣大盛故為是法刺之 新校正云

按四時刺逆從論云夏氣在孫絡此絡俞即
孫絡之俞也又水熱穴論云夏取盛經分腠 秋刺皮膚

循理上下同法神變而止

循理謂循肌肉之分理也上
謂手脉下謂足脉神變謂脉

氣變易與未刺時異也脉者神之用故爾言之 新校
正云按四時刺逆從論云秋氣在皮膚義與此合又水

熱穴論云取俞以寫陰邪取合以虛 冬刺俞竅於分理

甚者直下間者散下

直下謂直爾下之散下謂散布下
之 新校正云按四時刺逆從論

云冬氣在骨髓此俞竅即骨髓之俞竅也又水熱
穴論云冬取井榮皇甫士安云是末冬之治變也 春夏

秋冬各有所刺法其所在春刺夏分脉亂氣微入淫骨

髓病不能愈令人不嗜食又且少氣

心主脉故脉亂氣微水受氣於夏腎

主骨故下淫於骨髓也心火微則胃土不足故不嗜食而少氣也新校正云按四時刺逆從論云春刺絡脉

血氣外溢

令人少氣春刺秋分筋攣逆氣環為欬嗽病不愈令人

時驚又且哭

木受氣於秋肝主筋故刺秋分則筋攣也若氣逆環周則為欬嗽肝主驚故時驚肺

主氣故氣逆又且哭也新校正云按四時刺逆從論云春刺肌肉血氣環逆令人上氣也

春刺冬

分邪氣著藏令人脹病不愈又且欲言語

冬主陽氣伏藏故邪氣著

藏腎實則脹故刺冬分則令人脹也火受氣於冬心主言故欲言語也新校正云按四時刺逆從論云春刺

筋骨血氣內著令人腹脹夏刺春分病不愈令人解墮

肝養筋肝氣不足故筋力

解墮新校正云按四時刺逆從論云夏刺經脉血氣乃竭令人解休

夏刺秋分病不愈

令人心欲無言惕惕如人將捕之

肝木為語傷秋分則肝木虛故恐如

人將捕之肝不足故欲無言而復恐也新校正云按四時刺逆從論云夏刺肌肉血氣內却令人善恐甲乙

經作

夏刺冬分病不愈令人少氣時欲怒

夏傷於腎肝肺敦之志內

不足故令人少氣時欲怒也新校正云按四時刺逆從論云夏刺筋骨血氣上逆令人善怒

秋刺春

分病不已令人惕然欲有所為起而忘之

肝虛故也刺不當也新

校正云按四時刺逆從論云秋刺經脉血氣上逆令人善忘

秋刺夏分病不已令人

益嗜卧又且善寢

心氣少則脾氣孤故令嗜卧心主寢神為之故令善寢 新校正云按四

時刺逆從論云秋刺絡脉氣不外行令人卧不欲動

秋刺冬分病不已令人洒洒

時寒

陰氣上干故時寒也洒洒寒貌

新校正云按四冬

刺春分病不已令人欲卧不能眠眠而有見

肝氣少故令欲卧不

能眠肝主目故眠而如見有物之形狀也

新校正云

按四時刺逆從論云冬刺經脉血氣皆脱令人目不明

冬刺夏分病不愈氣上發為諸痺

泄脉氣故也

新校

論云冬刺絡脉內氣外泄留為大痺冬刺秋分病不已令人善渴

肺氣不足故發

渴 新校正云按四時刺逆從論云冬刺肌肉陽氣竭絕令人善渴

凡刺胃腹者必避五

藏

心肺在膈上腎肝在膈下脾象土而居中故刺胃腹必避之五藏者所以藏精神魂魄意志損之則五神

去神去則死至

中心者環死

氣行如環之一周則死也

故不可不慎也

正謂周十二辰也

新校

正云按刺禁論云一日死其動為噫四時刺逆從論同

此經闕刺中肝死日刺禁論云中肝五日死其動為語

四時刺逆

中脾者五日死

土數五也新校正云按刺

從論同也

中脾者五日死

禁論云中脾十日死其動為

吞四時刺

中腎者七日死

水成數六水數畢當至七日

逆從論同

中腎者七日死

而死一云十日死字之誤也

新校正云按刺禁論云中腎六日死其動為噦欠中肺者

噴四時刺逆從論云中腎六日死其動為噦欠中肺者

五日死

金生數四金數畢當至五日而死一云三日死

亦字誤也

新校正云按刺禁論云中肺三日死

死其動為欬四時刺逆從論同王注四時刺逆從

中膈

論云此三論皆岐伯之言而不同者傳之誤也

者皆為傷中其病雖愈不過一歲必死

五藏之氣同主一年傷則五

藏之氣互相剋伐故不過一歲必死

刺避五藏者知逆從也所謂從者

與脾腎之處不知者反之

腎著於脊脾藏居中而連於脇除知者為順不知者反傷

其藏刺胃腹者必以布敷著之乃從單布上刺

形定則不誤中於五

藏也

新校正云按別本微一作微又作撒

刺之不愈復刺

要以氣至為効也鍼經曰刺之

氣不至无問其數刺之氣至去之勿復鍼此之謂也

刺鍼必肅

肅謂靜肅所以候氣之存亡刺

腫搖鍼

以出大膿血故

經刺勿搖

經氣未欲泄故

此刺之道也帝曰願

聞十二經脉之終奈何

終謂盡也

岐伯曰太陽之脉其終也

戴眼反折痙瘓其色白絕汗乃出出則死矣

戴眼謂睛不轉而仰

視也然足太陽脉起於目内眥上額交巔上從巔入絡腦還出别下項循肩膊内俠脊抵胛中其支别者下循足至小指外側手太陽脉起於手小指之端循臂上肩入缺盆其支别者上頰至目内眥抵足太陽
云按甲乙經作斜絡於顙又其支别者從缺盆循頸上頰至目外眥
新校正云按甲乙經外作兌故戴眼反折痙瘓色白絕汗乃出也絕汗謂汗暴出如珠而不流旋復乾也太陽極則汗出故出則死
少陽終

者耳聾百節皆縱目羸絕系絕系一日半死其死也色

先青白乃死矣

足少陽脉起於目銳眥上抵頭角下耳後其支别者從耳後入耳中出走耳前

手少陽脉其支别者從耳後亦入耳中出走耳前故終則耳聾目羸絕系也少陽主骨故氣終則百節縱緩色

青白者金木相薄也故見死矣衆謂直視如驚貌

陽明終者口目動作善驚妄

言色黃其上下經盛不仁則終矣

足陽明脉起於鼻交頰中下循鼻外入上

齒縫中還出俠口環脣下交承漿却循頤後下廉出大

迎循頰車上耳前過客主人循髮際至額顙其支別者

從大迎前下人迎循喉嚨入缺盆下鬲手陽明脉起於

手循臂至肩 upper 出於柱骨之會上下入缺盆絡肺其支

別者從缺盆上頸貫頰下入齒中還出俠口交人中左

之右右之左上俠鼻軌抵足陽明新校正云按甲乙

經軌作孔无抵足陽明四字故終則口目動作也口目

動作謂目眈眈而鼓頤也胃病則惡人與火聞木音則

惕然而驚又罵詈罵詈而不避親疎故善驚妄言也黃

者土色上謂手脉下謂足脉也經盛謂面目頸頤足跗

腕脛皆躁盛而動也不仁謂不知善惡如是者皆氣竭之徵也故終矣

少陰終者面黑齒

長而垢腹脹閉上下不通而終矣

手少陰氣絕則血不流足少陰氣絕則骨

不更骨硬則斷上宣故齒長而積垢汗血壞則皮色死故面色如漆而不赤也足少陰脉從腎上貫肝鬲入肺中手少陰脉起於心中出屬心系下鬲絡小腹故其終則腹脹閉上下不通也 新校正云詳王注云骨不更

骨硬按難經及甲乙經云骨不濡則肉弗能著當作骨不濡手少陰脉絡小腹甲乙經作脉絡小腸 太陰

終者腹脹閉不得息善噫善嘔

足太陰脉行從股內前廉入腹屬脾絡胃上鬲

手太陰脉起於中焦下絡大腸還循胃口上鬲屬肺故終則如是也靈樞經曰足太陰之脉動則病食則嘔腹

脹善噫也 嘔則逆逆則面赤

嘔則氣逆故面赤新校正云按靈樞經作善噫噫則嘔嘔則

逆 不逆則上下不通不通則面黑皮毛焦而終矣

嘔則上通

故但面赤不嘔則下已閉上復不通心氣外燔故皮毛焦而終矣何者足太陰脉支別者復從胃別上鬲注心中由是則皮毛焦乃厥陰終者中熱噤乾善溺心煩甚心氣外燔而生也

則舌卷卵上縮而終矣

足厥陰脉循脛上臍結於莖其正經入毛中下過陰器上抵小

腹俠胃上循喉嚨之後入頭顙手厥陰脉起於胃中出屬心包故終則中熱噤乾善溺心煩矣靈樞經曰肝者筋之合也筋者聚於陰器而脉絡於舌本故甚則舌卷卵上縮也又以厥陰之脉過陰器故爾

新校正云按

甲乙經臍作

此十二經之所敗也

手三陰三陽足三陰三陽則十二經也敗

謂氣終盡而敗壞也

新校正云

詳十二經又出靈樞經與素問

黃帝內經素問卷四

黃帝內經素問卷四音釋

異法方宜論躄

巨嬌切

砭

普廉切

綴

直利切

標

必堯切

移

情

變

氣論亥

古哀切
草根也

湯液醪醴論

勞莖切

莖

音剉
斬也

滌

音迪

穢

音畏

瘕

音瘕

玉版論要篇度

徒各切

璧

必益切

診要經終論

古堯切

癰

音癰

縱衆

音瓊

睽

音閃

跗

音附

黃帝內經素問卷四音釋

欽定四庫全書醫要卷一萬四百三十一

子部

黃帝內經素問卷五

唐王冰次注

宋林億等校正

脉要精微論

平人氣象論

脉要精微論篇第十七

新校正云按全元起本在第六卷

黃帝問曰診法何如岐伯對曰診法常以平旦陰氣未動陽氣未散飲食未進經脉未盛絡脉調勻氣血未亂

故乃可診有過之脉

動謂動而降早散謂散布而出也過謂異於常候也

新校正云按

脉經及千金方有過之脉作過此非也王注陰氣未動謂動而降早按金匱真言論云平旦至日中天之陽陽中之陽也則平旦為一日之中純陽之時陰氣未動耳何有降早之義

切脉動靜而視精

明察五色觀五藏有餘不足六府強弱形之盛衰以此

參伍決死生之分

切謂以指切近於脉也精明穴名也在明堂左右兩目內眥也以近於目

故曰精明言以形氣盛衰脉之多少視精明之間夫脉氣色觀藏府不足有餘參其類伍以決死生之分

者血之府也

府聚也言血之多少皆聚見於經脉之中也故刺志論曰脉實血實脉虛血虛此其

常也反此者

長則氣治短則氣病數則煩心大則病進

病由是故也

夫脉長為氣和故治短為不足故病數急為熱故煩心
大為邪盛故病進也長脉者往來長短脉者往來短數
脉者往來急速大脉者往來滿大也

上盛則氣高

新校正云按全元起本高作高

下盛則

氣脹代則氣衰細則氣少

新校正云按太素細作滑

瀉則心痛

上謂寸口

下謂尺中盛謂盛滿代脉者動而中止不能自還細脉者動如莠蓬瀉脉者往來時不利而蹇瀉也

渾渾

革至如涌泉病進而色癸縣縣其去如弦絕死

渾渾言脉氣濁

亂也革至者謂脉來弦而大實而長也如涌泉者言脉汨汨但出而不返也縣縣言微微似有而不甚應手也如弦絕者言脉卒斷如弦之絕去也若病候日進而色弊惡如此之脉皆必死也

新校正云按甲乙經及脉經作渾渾革革至如涌泉病進而

色弊弊綽綽其去如弦絕者死

夫精明五色者氣之

華也

五氣之精華者上見為五色變化於精明之間也六節藏象論曰天食人以五氣五氣入鼻藏於心

肺上使五色脩明此則明察五色也

赤欲如白裏朱不欲如赭白欲如鵝

羽不欲如鹽

新校正云按甲乙經作白欲如白壁之澤不欲如堊太素兩出之

青欲如

蒼璧之澤不欲如藍黃欲如羅裏雄黃不欲如黃土黑

欲如重漆色不欲如地蒼

新校正云按甲乙經作炭色

五色精微象

見矣其壽不久也

赭色鹽色藍色黃土色地蒼色見者皆精微之敗象故其壽不久

夫

精明者所以視萬物別白黑審短長以長為短以白為

黑如是則精衰矣

誠其誤也夫如是者皆精明衰乃誤也

五藏者中之守

也

身形之中五神安守之所也此則明觀五藏也新校正云按甲乙經及太素守作府

中盛藏

滿氣勝傷恐者聲如從室中言是中氣之濕也

中謂腹中盛謂

氣盛藏謂肺藏氣勝謂勝於呼吸而喘息變易也夫腹中氣盛肺藏充滿氣勝息變善傷於恐言聲不發如在室中者皆腹中言而微終日乃復言者此奪氣也
若言有濕氣乃爾也

細聲斷不續甚奪其氣乃如是也

衣被不歛言語善惡不避親疎者此

神明之亂也倉廩不藏者是門戶不要也

倉廩謂脾胃門戶謂魄門

靈蘭秘典論曰脾胃者倉廩之官也五藏別論曰魄門亦為五藏使水穀不得久藏也魄門則肛門也要謂禁

要水泉不止者是膀胱不藏也

水泉謂前陰之流注也

得守者生

失守者死

夫如是倉廩不藏氣勝傷恐衣被不斂水泉不止者皆神氣得居而守則生失其所守則

死也夫何以知神氣之不守耶衣被不斂言語苦惡不避親疎則亂之證也亂甚則不守於藏也

夫五

藏者身之強也

藏安則神守神守則身強故曰身之強也

頭者精明之府頭

傾視深精神將奪矣背者胃中之府背曲肩隨府將壞

矣腰者腎之府轉搖不能腎將憊矣膝者筋之府屈伸

不能行則僂附

新校正云按別本附一作俯太素作跗

筋將憊矣骨者髓

之府不能久立行則振掉骨將憊矣

皆以所居所由而為之府也

得

強則生失強則死

強謂中氣強固以鎮守也

岐伯曰

新校正云詳此岐伯曰前无問

反四時者有餘為精不足為消應太過不足為精應不

足有餘為消陰陽不相應病名曰關格

廣陳其脉應也夫反四時者諸

不足皆為血氣消損諸有餘皆為邪氣勝精也陰陽之氣不相應合不得相營故曰關格也

帝曰脉

其四時動奈何知病之所在奈何知病之所變奈何知

病乍在內奈何知病乍在外奈何請問此五者可得聞

乎

言欲順四時及陰陽相應之狀候也

岐伯曰

新校正云詳此對與問不甚相應脉四時動病之所

在病之所變按文頗對病在內在外之說後文殊不相當

請言其與天運轉大也

指

見陰陽之運轉以明陰陽之不可見也

萬物之外六合之內天地之變陰

陽之應彼春之暖為夏之暑彼秋之忿為冬之怒四變

之動脉與之上下

六合謂四方上下也春暖為夏暑言陽生而至盛秋忿而冬怒言陰少而

之壯也忿一為急言秋氣動急也新校正云按全元起注本暖作緩

以春應中規

春脉

輕虛而滑如規之象中規夏應中矩

夏脉洪大兼之滑數如矩之象可正平之

故以夏應中衡

秋脉浮毛輕濇而散如秤衡之象高下必平故以秋應中衡

冬應

中權

冬脉如石兼沉而滑如秤權之象下遠於衡故以冬應中權也以秋中衡冬中權者言脉之高下異

處如此爾此則隨陰陽之氣故有斯四應不同也

是故冬至四十五日陽氣微

上陰氣微下夏至四十五日陰氣微上陽氣微下陰陽

有時與脉為期期而相失知脉所分分之有期故知死

時

察陰陽升降之準則知經脉遞遷之象審氣候遞遷之失則知氣血分合之期分期不差故知人死之時

節微妙在脉不可不察察之有紀從陰陽始推陰陽升降精微妙

用皆在經脉之氣候是以不可不察故始以陰陽為察候之綱紀始之有經從五行生

生之有度四時為宜

言始所以知有經脉之察候司應者何哉蓋從五行衰王而為準度

也徵求太過不及之形診皆以應四時者為生氣所宜也新校正云按太素宜作數補寫勿失

與天地如一

有餘者寫之不足者補之是則應天地之常道也然天地之道損有餘而補不足是

法天地之道也寫補之宜得一之情以知死生曉天地之道補

工切審之其治氣亦然

寫不差既得一情亦可知生死之準的

是故聲合五音色合五行脉合陰

陽

聲表宮商角徵羽故合五音色見青黃赤白黑故合五行脉彰寒暑之休王故合陰陽之氣也是知

陰盛則夢涉大水恐懼

陰為水故夢涉水而恐懼也陰陽應象大論曰水為陰

陽

盛則夢大火燔灼

陽為火故夢大火而燔灼也陰陽應象大論曰火為陽

陰陽俱

盛則夢相殺毀傷

亦類交爭之氣象也

上盛則夢飛下盛則夢墮

氣上則夢上故飛氣下則夢下故墮

甚飽則夢予

內有餘故

甚飢則夢取

內不足故

肝氣盛則夢怒

肝在志為怒

肺氣盛則夢哭

肺聲哀故為哭新校正云詳

是知陰盛則夢涉大水恐懼至此乃靈樞之文誤置於斯仍少心脾腎氣盛所夢今具甲乙經中

短蟲

多則夢聚衆

身中短蟲多則夢聚衆

長蟲多則夢相擊毀傷

長蟲動則

內不安內不安則神躁擾故夢是矣

新校正

是故持

脉有道虛靜為保

前明脉應此舉持脉所由也然持脉之道必虛其心靜其志乃保定盈虛

而不失

新校正云

春日浮如魚之遊在波

雖出猶未全浮夏

按甲乙經保作寶

日在膚泛泛乎萬物有餘

泛泛平貌陽氣大盛脉氣亦象萬物之有餘易取而洪大

也秋曰下膚蟄蟲將去

隨陽氣之漸降故曰下膚何以明陽氣之漸降蟄蟲將欲藏去

也冬曰在骨蟄蟲周密君子居室

在骨言脉深沈也蟄蟲周密言陽氣伏藏

君子居室此人事也

故曰知內者按而紀之

知內者謂知脉氣也故按而為之綱紀

知外者終而始之

知外者謂知色象故以五色終而復始

此六者持脉之

大法

見是六者然後可以知脉之遷變也

新校心脉

搏堅而長當病舌卷不能言

搏謂搏擊於手也諸脉搏堅而長者皆為勞心而藏

脉氣虛極也心手少陰脉從心系上俠咽喉故令舌卷短而不能言也

其奕而散者當消

環自己

諸脉奕散皆為氣實血虛也消謂消散環謂環周言其經氣如環之周當其火王自消散也

新校正云按甲乙經環作渴

肺脉搏堅而長當病唾血

肺虛極則絡逆絡逆則血

泄故唾

其奕而散者當病灌汗至令不復散發也

汗泄玄府

津液奔湊寒水灌洗皮密汗藏因灌汗藏故言灌汗至令不復散發也灌謂灌洗盛暑多為此也

新校正云

詳下文諸藏各言色而心肺二藏不言色者疑闕文也

肝脉搏堅而長色不青當

病墜若搏因血在脅下令人喘逆

諸脉見本經之氣而色不應者皆非病從

內生是外病來勝也夫肝藏之脉端直以長故言曰色不青當病墜若搏也肝主兩脇故曰因血在脇下也肝厥陰脉布脇肋循喉嚨之後其支別者復從肝別貫膈上注肺今血在脇下則血氣上薰於肺故令人喘逆也

其奕而散色澤者當病溢飲溢飲者渴暴多飲而易入

肌皮腸胃之外也

面色浮澤是為中濕血虛中濕水液不消故言當病溢飲也以水飲滿溢

故滲溢易而入肌皮腸胃之外也

新校正云按甲乙經易作溢

胃脉搏堅而長其色

赤當病折髀

胃虛色赤火氣牧之心象于火故色赤也胃陽明脉從氣衝下髀抵伏兔故病則髀

也如折

其奕而散者當病食痺

痺痛也胃陽明脉其支別者從大迎前下人迎循喉

龍入缺盆下屬胃絡脾故食則痛悶而氣不散也

新校正云詳謂痺為痛義則未通

脾脉搏堅

而長其色黃當病少氣

脾虛則肺無所養肺主氣故少氣也

其奕而散色

不澤者當病足脰腫若水狀也

色氣浮澤為水之候色不潤澤故言若水狀也

脾太陰脉自上內踝前廉上踰內循胫骨後交出厥陰之前上循膝股內前廉入腹故病足脰腫也

腎脉

搏堅而長其色黃而赤者當病折腰

色氣黃赤是心脾干腎腎受客傷故

腰如折也腰為腎府故病發於中

其奕而散者當病少血至今不復也

腎主水以生化津液今腎氣不化故當病少血至今不復也

帝曰

新校正云詳帝曰至以其勝治之愈

全元起本
在湯液篇
診得心脉而急此為何病病形何如岐伯曰

病名心疝少腹當有形也

心為牡藏其氣應陽今脉反寒故為疝也諸脉動急者皆

為寒形謂病形也

帝曰何以言之岐伯曰心為牡藏小腸為之

使故曰少腹當有形也

少腹小腸也靈蘭秘典論曰小腸者受盛之官以其受盛故形

居于內也帝曰診得胃脉病形何如岐伯曰胃脉實則脹虛

則泄

脉實者氣有餘故脹滿脉虛者氣不足故泄利新校正云詳此前對帝問知病之所在

帝曰

病成而變何謂岐伯曰風成為寒熱

生氣通天論曰因於露風乃生寒熱

故風成為寒熱也

痺成為消中

痺謂濕熱也熱積於內故變為消中也消中之證善食而瘦

新校正云詳王注以善食而瘦為消中按本經多食數
洩為之消中善食而瘦乃是食休之證當云善食而洩
數

厥成為巔疾

厥謂氣逆也氣逆上而不已則變為上巔之疾也

久風為瘰泄

久風不變但在胃中則食不化而泄利也以肝氣內合
而乘胃故為是病焉陰陽應象大論曰風氣通於肝故
內應于**脉風成為癘**經風論曰風寒客於脉而不去名曰癘風又曰癘者有榮氣熱附其

氣不清故使其鼻柱壞而色敗皮膚瘍潰然此則癘也夫如是者皆脉風成結變而為也**病之變化**

不可勝數

新校正云詳此前對帝問知病之所變奈何

帝曰諸癰腫筋攣骨

痛此皆安生

安何也言何以生之

岐伯曰此寒氣之腫八風之變

也

八風八方之風也然癰腫者傷東南西南風之變也筋攣骨痛者傷東風北風之變也靈樞經曰風從東

方來名曰嬰兒風其傷人也外在於筋紐風從東南來名曰弱風其傷人也外在於肌風從西南來名曰謀風其傷人也外在於肉風從北方來名曰大剛風其傷人也外在於骨由此四風之變而三病乃生故下問對是也帝曰治之奈何岐伯曰此四時之病以其勝治之愈也

勝謂勝剋也如金勝木木勝土土勝水水勝火火勝金此則相勝也帝曰有故病五藏發

動因傷脉色各何以知其久暴至之病乎重以色氣明前五藏堅長

之脉有自病故病及因傷候也岐伯曰悉乎哉問也徵其脉小色不奪

者新病也氣乏而神猶強也徵其脉不奪其色奪者此久病也

神持而邪凌其氣也徵其脉與五色俱奪者此久病也神與氣俱衰也徵

其脉與五色俱不奪者新病也

神與氣俱強也

肝與腎脉並至

其色蒼赤當病毀傷不見血已見血濕若中水也

肝色蒼心

色赤赤色見當脉洪腎脉見當色黑今腎脉來反見心色故當因傷而血不見也若已見血則是濕氣及水在

腹中也何者以心腎脉

尺內兩傍則季脅也

尺內謂尺澤之內也

兩傍各謂尺之外側也季脅近腎尺主之故尺內兩傍則季脅也

尺外以候腎尺裏以

候腹中

尺外謂尺之外側尺裏謂尺之內側也次尺外下兩傍則季脅之分季脅之上腎之分季脅之

內則腹之分也

附上左外以候肝內以候膈

肝主膈賁膈也

右外以候

胃內以候脾

脾居中故以內候之胃為市故以外候之

上附上右外以候肺

內以候胃中

肺葉垂外故以外候之胃中主氣管故以內候之

左外以候心內

以候臆中

心主鬲中也臆中則氣海也噎也校正云詳王氏以臆中為噎也疑誤

新

前以

候前後以候後

上前謂左寸口下前謂胃之前膺及氣海也上後謂右寸口下後謂胃之後背

及氣管也

上竟上者胃喉中事也下竟下者少腹腰股膝脛

足中事也

上竟上至魚際也下竟下謂盡尺之脉動處也少腹胞氣海在膀胱腰股膝脛足中之氣

動靜皆分其近遠及連接處所名目以候之知其善惡也

麤大者陰不足陽有餘為

熱中也

麤大謂脉洪大也脉洪為熱故曰熱中

來疾去徐上實下虛為厥

巔疾來徐去疾上虛下實為惡風也

亦脉狀也

故中惡風者

陽氣受也

以上虛故陽氣受也

有脉俱沈細數者少陰厥也

尺中有

脉沈細數者是腎少陰氣逆也何者尺脉不當見數有數故言厥也俱沈細數者言左右尺中也

沈細

數散者寒熱也

陽子於陰陰氣不足故寒熱也正理論曰數為陽

浮而散者為

暍仆

脉浮為虛散為不足氣虛而血不足故為頭眩而仆倒也

諸浮不躁者皆在陽

則為熱其有躁者在手

言大法也但浮不躁則病在足陽脉之中躁者病在手陽脉之

中也故又曰其有躁者在手也陽為火氣故為熱

諸細而沈者皆在陰則為骨

痛其有靜者在足

細沈而躁則病生於手陰脉之中靜者病生於足陰脉之中也故又曰其

有靜者在足也陰主骨故骨痛

數動一代者病在陽之脉也洩及便膿

血

代止也數動一代是陽氣之生病故言病在陽之脉所以然者以洩利及膿血脉乃爾

諸過者

切之濡者陽氣有餘也滑者陰氣有餘也

陽有餘則血少故脉濡陰

有餘則氣多故脉滑也

新校

陽氣有餘為身熱无汗

正云詳氣多疑誤當是血多也

陰氣有餘為多汗身寒

血少氣多斯可知也

陰陽有餘則无汗而

寒

陽餘无汗陰餘身寒若陰陽有餘則當无汗而寒也

推而外之内而不外有心

腹積也

脉附臂筋取之不審推筋令遠使脉外行内而不出外者心腹中有積乃爾

推而内

之外而不内身有熱也

脉遠臂筋推之令近遠而不近是陽氣有餘故身有熱也推

而上之上而不下胥足清也

推筋按之尋之而上脉上涌盛是陽氣有餘故腰足

冷也 新校正云按甲乙經上而不下作下而不上 推而下之下而不上頭項痛

也 推筋按之尋之而下脉沈下掣是陽氣有餘故頭項痛也 新校正云按甲乙經下而不上作上而不下

按之至骨脉氣少者胛脊痛而身有痺也 陰氣大過故爾

平人氣象論篇第十八 新校正云按全先起本在第一卷

黃帝問曰平人何如 平人謂氣候 岐伯對曰人一呼脉

再動一吸脉亦再動呼吸定息脉五動閏以太息命曰

平人平人者不病也 經脉一周於身凡長十六丈二尺呼吸脉各再動定息脉又一動則

五動也計二百七十定息氣可環周然盡五十營以一萬三千五百定息則氣都行八百一十丈如是則應天

常皮脉氣无不及太過
氣象平調故曰平人也
常以不病調病人醫不病故為

病人平息以調之為法人一呼脉一動一吸脉一動曰

少氣

呼吸脉各一動準候減平人之半計二百七十定息氣凡行八丈一尺以一萬三千五百定息氣都

行四百五丈少氣之理從此可知

人一呼脉三動一吸脉三動而躁尺

熱曰病溫尺不熱脉滑曰病風脉濇曰痺

呼吸脉各三動準過平人

之半計二百七十息氣凡行二十四丈三尺病生之兆由斯著矣夫尺者陰分位也寸者陽分位也然陰陽俱熱是則為溫陽獨躁盛則風中陽也脉要精微論曰中惡風者陽氣受也滑為陽盛故病為風濇為无血故為痺痺也躁謂煩躁
新校正云按甲
乙經无脉濇曰痺一句下文亦重
人一呼脉四動以

上曰死脉絕不至曰死乍踈乍數曰死

呼吸脉各四動準候過平人之

倍計二百七十息氣凡行三十二丈四尺况其以上耶脉法曰脉四至曰脱精五至曰死然四至以上亦近五

至也故死矣然脉絕不至天真之氣已无乍數乍踈胃穀之精亦斷故皆死之候是以下文曰新校正云按

別本斷一作敗平人之常氣稟於胃胃者平人之常氣也

常平之氣

胃海致之靈樞經曰胃為水穀之海也正理論曰穀入於胃脉道乃行

人無胃氣曰逆逆

者死

逆謂反平人之候也常稟氣於胃脉以胃氣為本无胃氣曰逆逆者死

新校正云按甲乙經云人

春胃微弦曰平

言微似弦不謂微而弦也鈞及英弱毛石義並同

弦多胃少曰

肝病但弦无胃曰死

謂急而益勁如新張弓絃也

胃而有毛曰秋病

毛秋脉
金氣也

毛甚曰今病

木受金邪故今病

藏真散於肝肝藏筋膜

之氣也

象陽氣之散發故藏真散也藏氣法時論曰肝欲散急食辛以散之取其順氣

夏胃微

鈞曰平鈞多胃少曰心病但鈞无胃曰死

謂前曲後居如操帶鈞也

胃而有石曰冬病

石冬脉水氣也

石甚曰今病

火被水侵故今病

藏真

通於心心藏血脉之氣也

象陽氣之炎盛也藏氣法時論曰心欲夷急食鹹以夷之

取其順氣

長夏胃微夷弱曰平弱多胃少曰脾病但代无胃

曰死

謂動而中止不能自還也

夷弱有石曰冬病

石冬脉水氣也次其勝剋石當為弦

長夏土絕故云石也

弱甚曰今病

弱甚為土氣不足故今病新校正云按甲乙經弱作石

藏

真濡於脾脾藏肌肉之氣也

以含藏水穀故藏真濡也

秋胃微毛曰

平毛多胃少曰肺病但毛无胃曰死

謂如物之浮如風吹毛也

毛而

有弦曰春病

弦春脉木氣也次其乘剋弦當為鉤金氣逼肝則脉弦來見故不鉤而反絃也

弦

甚曰今病

水氣逆來乘金則今病

藏真高於肺以行榮衛陰陽也

肺處上焦故藏真高也靈樞經曰榮氣之道內穀為實穀入於胃乃傳之肺流溢於中布散於外精專者行於經隧以其自肺宣布故云以行榮衛陰陽也

新校正云按別本實一作寶

冬胃微石曰平

石多胃少曰腎病但石无胃曰死

謂如奪索辟辟如彈石也

石而有

鉤曰夏病

鉤夏脉火魚土氣也次其乘剋鉤當云弱土王長夏不見正形故石而有鉤魚其土也

鈎甚曰今病

水受火土之邪故今病

藏真下於腎腎藏骨髓之氣

也

腎居下焦故云藏真下也腎化骨髓故藏骨髓之氣也

胃之大絡名曰虛里貫

鬲絡肺出於左乳下其動應衣脉宗氣也

宗尊也主也謂十二經脉

之尊主也貫鬲絡肺出於左乳下者自鬲而出於乳下乃絡肺也

盛喘數絕者則病在

中

絕謂暫斷絕也

結而橫有積矣絕不至曰死

皆左乳下脉動狀也中謂腹中

也乳之下其動應衣宗氣泄也

泄謂發泄按全元起本无此十一

字甲乙經亦无詳上下文義多此十一字當去

欲知寸口太過與不及寸口之

脉中手短者曰頭痛寸口脉中手長者曰足脛痛

短為陽氣

不及故病於頭長為
陰氣太過故病於足

寸口脉中手促上擊者曰肩背痛

陽盛於上
故肩背痛

寸口脉沈而堅者曰病在中寸口脉浮而盛

者曰病在外

沈堅為陰故病在中浮
盛為陽故病在外也

寸口脉沈而弱曰

寒熱及疝瘕少腹痛

沈為寒弱為熱故曰寒熱也又沈
為陰盛弱為陽餘盛相薄正當

寒熱不當為疝瘕而少腹痛應古之錯簡爾

新校正

云按甲乙經无此十五字况下文已有寸口脉

沈而喘

曰寒熱脉急者曰疝瘕

寸口脉沈而橫曰脇下有積腹

少腹痛此文衍當去

中有橫積痛

亦陰氣
內結也

寸口脉沈而喘曰寒熱

喘為陽吸
沈為陰爭

爭吸相薄
故寒熱也

脉盛滑堅者曰病在外脉小實而堅者病在

內盛滑為陽小實為陰陰病脈小弱以濇謂之久病為小

氣虛濇為无血血氣虛弱故云久遠之病也脈滑浮而疾者謂之新病滑浮為陽

足脈疾為氣全陽足氣全故云新淺之病也脈急者曰疝瘕少腹痛此覆前疝瘕少

腹痛之脈也言沈弱不必為疝瘕沈急乃與診相應脈滑曰風脈濇曰痺滑為陽陽受病

則為風濇為陰陰受病則為痺緩而滑曰熱中盛而緊曰脹緩謂縱緩之狀非動

之遲緩也陽盛於中故脈滑緩寒氣否滿故脈盛緊也盛緊盛滿也脈從陰陽病易已脈

逆陰陽病難已脈病相應謂之從脈病相反謂之逆脈得四時之順曰病

无他脈反四時及不閒藏曰難已春得秋脈夏得冬脈秋得夏脈冬得四季脈皆

謂反四時氣不相應故難已也

臂多青脈曰脫血

血少脈空客寒因入寒凝血汁故脈色青

也

尺脈緩濇謂之解休

尺為陰部腹腎主之緩為熱中濇為無血熱而無血故解休

不可名之然寒不寒熱不熱弱不弱壯不壯倅不可名謂之解休也脈要精微論曰尺外以候腎尺裏以候腹

中則腹腎主

安卧脈盛謂之脫血

卧久傷氣氣傷則脈診應微今脈盛而不

尺之義也

微則血去而氣无所主乃

尺濇脈滑謂之多汗

謂尺膚濇而尺

爾盛謂數急而大鼓也

脈滑也膚濇者榮血內涸脈滑為陽氣內餘血涸而陽氣尚餘多汗而脈乃如是也

尺寒脈細謂

之後泄

尺主下焦診應腸腹故膚寒脈細泄利乃然脈法曰陰微即下言尺氣虛少

脈尺麤

常熱者謂之熱中

謂下焦中也

肝見庚辛死

庚辛為金伐肝木也

心見

壬癸死

壬癸為水滅心火也

脾見甲乙死

甲乙為木剋脾土也

肺見丙丁死

丙丁為火鏖肺金也

腎見戊己死

戊己為土刑腎水也

是謂真藏見皆死

此亦

通用三部九候論中真藏脈見者勝死也尺蠱而藏見亦然

頸脈動喘疾欬曰水

水氣

上溢則肺被熱熏陽氣上逆故頸脈盛鼓而目裏微腫欬喘也頸脈謂耳下及結喉傍人迎脈者也

目裏微腫

如卧蠶起之狀曰水

評熱病論曰水者陰也目下亦陰也腹者至陰之所居也故水在腹

中者必使目下腫也

溺黃赤安卧者黃疸

疸勞也腎勞胞熱故溺黃赤也正理論曰謂之

勞瘵以女勞得之也勞義非若謂女勞得疸則可若以疸為勞非矣

新校正云詳王注以疸為

已食

如飢者胃疸

是則胃熱也熱則消穀故食已如飢也

面腫曰風

加之面腫則胃風之

診也何者胃陽明脈起於鼻交頰中下循鼻外故爾

足脛腫曰水

是謂下焦有水也腎少陰脈出

於足心上循脛過陰股從腎上貫肝鬲故下焦有水足脛腫也

目黃者曰黃疸

陽怫於上熱積

胃中陽氣上燔故目黃也

婦人手少陰

新校正云按全元起本作足少

陰脈動甚者妊子也

手少陰脈謂掌後陷者中當小指動而應手者也靈樞經曰少陰無

輸心不病乎歧伯云其外經病而藏不病故獨取其經於掌後銳骨之端此之謂也動謂動脈也動脈者大如

豆厥厥動搖也正理論曰脈陰陽相薄名曰動也又經脈別論曰陰薄陽別謂之有子

新校正云按經脈別

論中無此大

脈有逆從四時未有藏形春夏而脈瘦

新校正云按玉

機真藏論

秋冬而脈浮大命曰逆四時也

春夏脈瘦謂沈細也秋冬

浮大不應時也脉法春夏當浮大而反沈風
按玉機真

藏論風熱而脉靜泄而脫血脈實新校正云按玉機真

血而脉實病在中脉虛病在外新校正云按玉機真藏脉濇

堅者新校正云按玉機真皆難治風熱當脉躁而反靜

反實邪氣在內當脉實而反虛病氣在命曰反四時也

外當脉虛滑而反堅濇故皆難治也

皆反四時之氣乃如是矣新校正云詳命曰反四時

也此六字應古錯簡當去自前未有藏形春夏至此五
十三字與後玉機人以水穀為本故人絕水穀則死脉
真藏論文相重

無胃氣亦死所謂無胃氣者但得真藏脉不得胃氣也

所謂脈不得胃氣者肝不弦腎不石也

不弦不石皆謂不微似也太

陽脈至洪大以長

氣盛故能爾陽脈法云太陽之脈洪大以長其來

新校正云按扁鵲陰

浮於筋上動搖九分三月四月甲子王呂廣云太陽王五月六月其氣大盛故其脈洪大而長也

少陽

脈至乍數乍疎乍短乍長

以氣有陽未暢者也正云按扁鵲陰陽法云少陽

新校

之脈乍小乍大乍長乍短動搖六分王十一月甲子夜半正月二月甲子王呂廣云少陽王正月二月其氣尚微故其脈來陽明脈至浮大而短

穀氣滿盛故也新校正云詳无三陰脈

進退无常

應古文闕也按難經云太陰之至緊大而長少陰之至

緊細而微厥陰之至沈短以數呂廣云陽明王三月四

月其氣始萌未盛故其脈來浮大而短扁鵲陰陽脈法云少陰之脈緊細動搖六分王五月甲子日中七月八

月王太陰之脈紫細以長乘於筋上動搖九分九月十月甲子王厥陰之脈沈細以緊動搖三分十一月十二

子王夫平心脈來累累如連珠如循琅玕曰心平

言脈滿而

盛微似珠形之中手琅玕珠之類也

夏以胃氣為本

脈有胃氣則累累而微似連珠也

病

心脈來喘喘連屬其中微曲曰心病

曲謂中手而偃曲也新校正云詳

越人云啄啄連屬其中微曲曰腎病與素問異

死心脈來前曲後居如操帶鉤

曰心死

居不動也操執持也鉤謂革帶之鉤

平肺脈來厭厭聶聶如落榆

莢曰肺平

浮薄而虛者也聶聶如循榆莢曰春平脈

新校正云詳越人云厭厭如車蓋按之益

大曰秋平脈與素問之說不同張仲景云秋脈藹藹如車蓋者名曰陽結春脈聶聶如吹榆莢者名曰數恐越

人之說

秋以胃氣為本

脈有胃氣則微似榆莢之輕虛也

病肺脈來不

上不下如循雞羽曰肺病

謂中央堅而兩傍虛

死肺脈來如物之

浮如風吹毛曰肺死

如物之浮翳翳然也

新校正云詳越人云按之

消索如風吹毛曰死

平肝脈來與弱招招如揭長竿末梢曰肝

平

如竿末梢言長與也

春以胃氣為本

脈有胃氣乃長與如竿之末梢矣

病肝脈

來盈實而滑如循長竿曰肝病

長而不與故若循竿

死肝脈來急

益勁如新張弓弦曰肝死

勁謂勁強急之甚也

平脾脈來和柔相

離如雞踐地曰脾平

言脈來動數相離緩急和而調

長夏以胃氣為本

胃少則脈實數

病脾脈來實而盈數如雞舉足曰脾病

胃少故脈實急

矣舉足謂如雞走之舉足也新校正云詳越人以為心病

死脾脈來銳堅如鳥之

喙

新校正云按千金方作如雞之喙

如鳥之距如屋之漏如水之流曰

脾死

鳥喙鳥距言銳堅也水流屋漏謂時動復住也水流謂平至不鼓屋漏謂時動復住

平腎脈來

喘喘累累如鈎按之而堅曰腎平

謂如心脈而鈎按之小堅爾

新校正云

按越人云其來上天下兌濡滑如雀之喙曰平呂廣云上大者足太陽下兌者足少陰陰陽得所為胃氣強故謂之平雀喙者冬以胃氣為本
胃少則不病腎脈來如

引葛按之益堅曰腎病

形如引葛言不按且堅明按之則尤甚也

死腎脈來

發如奪索辟辟如彈石曰腎死

發如奪索猶蛇之走辟
辟如彈石言促又堅也

黃帝內經素問卷五

黃帝內經素問卷五音釋

脉要精微論莠

音誘汨古沒切

痺

都報切

眇

音荀又音舜

平人氣

象論疝

音山

瘕

音賈

佻

音亦

寧

女耕切

喙

虛畏切

黃帝內經素問卷五音釋

謹案卷四第一頁後七行故皆為癰瘍刊本皆訛
喜據經文改

第二頁前四行其民華實而脂肥據吳崐本無其
民二字

第四頁前四行新校正云按全元起本刊本云字
本字互訛今改

第六頁前八行則血氣實刊本實訛盛據八正神
明論改

第六頁後二行血氣揚溢刊本揚訛盈據八正神明論改

第十二頁前一行虛泄為奪血按吳崐本泄作瀦第十四頁後二行令人解休刊本休訛憶蓋沿本節經文令人解憶句而悞今據四時刺逆從論改

第十五頁前二行令人卧不欲動刊本欲訛能據四時刺逆從論改

第十五頁前三行血氣內散刊本脫散字據四時
刺逆從論增

第十五頁前七行內氣外泄刊本內作血據四時
刺逆從論改

第十五頁前八行令人善渴按四時刺逆從論渴
作忘

第十六頁後六行目衆絕系按衆吳崑本作環謂
目環轉視也高世栻本作衆謂目之衆字與眼

系相絕也與此並異

第十八頁前七行詳十二經又出靈樞經與素問
疑太素之訛

卷五第三頁後三行夫五藏者身之強也按吳崐
本藏作府

第八頁後四行癘者有榮氣熱附刊本附訛附據
風論改

第十頁前二行詳王氏以臙中為噍也刊本臙訛

二據上文改

第十一頁前二行陽有餘則血少刊本少訛脉據
吳崐本引此注改

第十三頁後五行乃傳之肺刊本乃訛氣之訛與
又布散於外刊本布訛而並據靈樞經改

第十四頁後三行寸口脉沈而弱曰寒熱按吳崐
本弱作弦


第十五頁後二行傳不可名之刊本傳訛並據吳

崐本引此注及後文音釋改

第十七頁前四行風熱當脉躁而反靜刊本靜訛
詳據經文及吳崐本引此注改

第十八頁前七行按之益大刊本缺按之二字據
八十一難經補





總校官候補中書臣吳紹濬

校對官庶吉士臣何思鈞

謄錄監生臣袁文宿


欽定四庫全書薈要

子部

內經素問卷

六
七

詳校官主事臣陳木



欽定四庫全書薈要卷一萬四百三十二子部

黃帝內經素問卷六

唐王冰次註

宋林億等校正

玉機真藏論

三部九候論

玉機真藏論篇第十九

新校正云按全元起本在第六卷

黃帝問曰春脈如弦何如而弦岐伯對曰春脈者肝也東方木也萬物之所以始生也故其氣來奘弱輕虛而

滑端直以長故曰弦

言端直而長狀如弦也 新校正云按越人云春脈弦者東方木也

萬物始生未有枝葉故其脈來濡弱而長四時經輕作寬

反此者病

反謂反常平之候

帝曰

何如而反岐伯曰其氣來實而強此謂太過病在外其

氣來不實而微此謂不及病在中

氣餘則病形於外氣少則病在於中也

新校正云按呂廣云實強者陽氣盛也少陽當微弱今更實強謂之太過陽處表故令病在外厥陰之氣養於筋其脈弦今更虛微故曰不及陰處中故令病在內帝曰春脈太過與不及其病

皆何如岐伯曰太過則令人善忘忽忽眩冒而顛疾其

不及則令人胃脘痛引背下則兩脇胠滿

忽忽不爽也眩謂目眩視如轉

也冒謂冒悶也肱謂腋也忘當為怒字之誤也靈
樞經曰肝氣實則怒肝厥陰脈自足而上入毛中又上
貫鬲布脇肋循喉嚨之後上入頰頰上出額與督脈會
於巔故病如是新校正云按氣交變大論云木太過
甚則忽怒善怒眩冒
巔疾則忘當作怒帝曰善夏脈如鉤何如而鉤岐伯

曰夏脈者心也南方火也萬物之所以盛長也故其氣

來盛去衰故曰鉤

言其脈來盛去衰如鉤之曲也
校正云按越人云夏脈鉤者南方火

新

也萬物之所盛垂枝布葉皆下曲如鉤故其脈來疾去
遲呂廣云陽盛故來疾陰虛故去遲脈從下上至寸口
疾還尺反此者病帝曰何如而反岐伯曰其氣來盛去

中遲也

反此者病帝曰何如而反岐伯曰其氣來盛去

亦盛此謂太過病在外

其脈來盛去盛是陽之盛
也心氣有餘是為太過

其氣

來不盛去反盛此謂不及病在中

新校正云詳越人肝心肺腎四臟脈俱以

強實為太過虛微為不及與素問不同

帝曰夏脈太過與不及其病皆何

如岐伯曰太過則令人身熱而膚痛為浸淫其不及則

令人煩心上見欬唾下為氣泄

心少陰脈起於心中出屬心系下膈絡小腸又

從心系却上肺故心太過則身熱膚痛而浸淫流布於形分不及則心煩上見欬唾下為氣泄

帝曰善

秋脈如浮何如而浮岐伯曰秋脈者肺也西方金也萬

物之所以收成也故其氣來輕虛以浮來急去散故曰

浮

脈來輕虛故名浮也來急以陽未沈下去散以陰氣上升也新校正云按越人云秋脈毛者西方金也

萬物之所終草木華葉皆秋而落其枝獨在若毫毛也故其脈來輕虛以浮故曰毛反此者病帝

曰何如而反岐伯曰其氣來毛而中央堅兩傍虛此謂

太過病在外其氣來毛而微此謂不及病在中帝曰秋

脈太過與不及其病皆何如岐伯曰太過則令人逆氣

而背痛愠愠然其不及則令人喘呼吸少氣而欬上氣

見血下聞病音

肺太陰脈起於中焦下絡大腸還循胃口上膈屬肺從肺系橫出腋下復藏氣

為欬主喘息故氣盛則肩背痛氣逆不及則喘息變易呼吸少氣而欬上氣見血也下聞病音謂喘息則肺中

有聲也帝曰善冬脈如營何如而營

脈沈而深如營動也新校正云詳深一

作濡又作搏按本經下文云其氣來沈以搏則深字當為搏又按甲乙經搏字為濡當從甲乙經為濡何以言之脈沈而濡濡古軟字乃冬脈之平調脈若沈而搏擊於手則冬脈之太過脈也故言當從甲乙經濡字

伯曰冬脈者腎也北方水也萬物之所以合藏也故其

氣來沈以搏故曰營

言沈而搏擊於手也新校正云按甲乙經搏當作濡義如前說又

越人云冬脈石者北方水也萬物之所藏盛冬之時水凝如石故其脈來沈濡而滑故曰石也反此者

病帝曰何如而反歧伯曰其氣來如彈石者此謂太過

病在外其去如數者此謂不及病在中帝曰冬脈太過

與不及其病皆何如歧伯曰太過則令人解休

新校正云按解

第五卷注 休之義具 脊脈痛而少氣不欲言其不及則令人心懸

如病飢眇中清脊中痛少腹滿小便變

腎少陰脈自股內後廉貫脊屬

腎絡膀胱其直行者從腎上貫肝鬲入肺中循喉嚨俠舌本其支別者從肺出絡心注胃中故病如是也眇者季脇之下俠脊兩傍空軟處也腎外當眇故眇中清冷也帝曰善帝曰四時之序逆

從之變異也

脈春弦夏鉤秋浮冬營為逆順之變見異狀也

然脾脈獨何主

主謂

主時 岐伯曰脾脈者土也孤藏以灌四傍者也

納水穀化津液

溉灌於肝心肺腎也以不正主四時故謂之孤藏

帝曰然則脾善惡可得見之

乎岐伯曰善者不可得見惡者可見

不正主時寄王於四季故善不可見

惡可見也帝曰惡者何如可見岐伯曰其來如水之流者此

謂太過病在外如烏之喙者此謂不及病在中

新校正云按平

人氣象論云如烏之喙又別本喙作啄

帝曰夫子言脾為孤藏中央土以

灌四傍其太過與不及其病皆何如岐伯曰太過則令

人四支不舉

以主四支故病不舉

其不及則令人九竅不通名曰

重強

脾之孤藏以灌四傍今病則五藏不和故九竅不通也八十一難經曰五藏不和則九竅不通重謂

藏氣重疊強謂氣不和順

帝瞿然而起再拜而稽首曰善吾得脈之

大要天下至數五色脈變揆度奇恒道在於一

瞿然忙貌也言

以太過不及而一貫神轉不迴迴則不轉乃失其機五氣

之揆度奇恒皆通也循環不愆時叙是為神氣流轉不迴若却行衰王反天之常氣是則却迴而不轉由是却迴不轉乃失生氣之

機矣至數之要迫近以微得至數之要道則應用切近以微妙也迫切也著之玉

版藏之藏府每旦讀之名曰玉機著之玉版故以為名言是玉版生氣之機

新校正云詳至數至名曰玉機與前玉版論要文相重彼注頗詳五藏受氣於其所生

傳之於其所勝氣舍於其所生死於其所不勝病之且

死必先傳行至其所不勝病乃死受氣所生者謂受病氣於己之所生者也

傳所勝者謂傳於己之所剋者也氣舍所生者謂舍於生己者也死所不勝者謂死於剋己者之分位也所傳

不順故必死也

此言氣之逆行也故死

所謂逆者次如下說

肝受氣於心

傳之於脾氣舍於腎至肺而死心受氣於脾傳之於肺氣舍於肝至腎而死脾受氣於肺傳之於腎氣舍於心至肝而死肺受氣於腎傳之於肝氣舍於脾至心而死腎受氣於肝傳之於心氣舍於肺至脾而死此皆逆死也一日一夜五分之此所以占死生之早暮也

肝死於肺位秋

庚辛餘四倣此然朝主甲乙晝主丙丁四季上主戊己晡主庚辛夜主壬癸由此則死生之早暮可知也新校正云按甲乙經生作者字云占死者之早暮詳此經文專為言氣之逆行也故死即不言生之早暮王氏改

者作生義不若甲乙經中素問本文黃帝曰五藏相通移皆有次五藏有

病則各傳其所勝

以上文逆傳之次也

新校正云詳逆傳所勝之

次逆當作順上文既言逆傳下文所言乃順傳之次也

不治法三月若六月若三

日若六日傳五藏而當死是順傳所勝之次

三月者謂一藏氣之

遷移六月者謂至其所勝之位三日者三陽之數以合日也六日者謂兼三陰以數之爾熱論曰傷寒一日巨陽受二日陽明受三日少陽受四日太陰受五日少陰受六日厥陰受則其義也

新校正云詳上文是順傳所

勝之次七字乃是次前注誤在此經文之下不惟無義兼校之全元起本素問及甲乙經並無此七字直去之

慮未達者致疑今存于此故曰別於陽者知病從來別於陰者知死

生之期

主辨三陰三陽之候則知中風邪氣之所不勝矣故下曰新校正云詳舊此段注寫作經合改

為注又按陰陽別論云別於陽者知病處也別於陰者知死生之期又云別於陽者知病忌時別於陰者知死

生之期義同此

言知至其所因而死

因謂至所不勝也上文曰死於其所不勝是故

風者百病之長也

言先百病而有之新校正云按生氣通天論云風者百病之始今

風寒客於人使人毫毛畢直皮膚閉而為熱

客謂客止於人形也

風擊皮膚寒勝腠理故毫毛畢直玄府閉密而熱生也

當是之時可汗而發也

在邪

皮毛故可汗泄也陰陽應象大論曰善治者治皮毛此之謂也

或痺不仁腫痛病生而

是也熱中血氣則癢痺不仁寒氣傷形故為腫痛陰陽應象大論云寒傷形熱傷氣氣傷痛形傷腫當是

之時可湯熨及火灸刺而去之

皆謂釋散寒邪宣揚正氣

弗治病入

舍於肺名曰肺痺發欬上氣

邪入於肺名曰肺痺宣明五

氣篇曰邪入於陽則狂邪入於陰則痺肺在變動為欬故欬則氣上故上氣也

弗治肺即傳而

行之肝病名曰肝痺一名曰厥脇痛出食

肺金伐木氣下入肝故曰

弗治行之肝也肝氣通膽膽善為怒怒者氣逆故一名厥也肝厥陰脈從少腹屬肝絡膽上貫鬲布脇肋循喉嚨之後上入頤頤故脇痛而食入腹則出故曰出食當是之時可按若刺耳弗治

肝傳之脾病名曰脾風發痺腹中熱煩心出黃

肝氣應風木勝

脾土土受風氣故曰脾風蓋為風氣通肝而為名也脾之為病善發黃痺故發痺也脾太陰脈入腹屬脾絡胃

上鬲俠咽連舌本散舌下其支別者復從胃別上鬲當
注心中故腹中熱而煩心出黃色於便寫之所也

此之時可按可藥可浴弗治脾傳之腎病名曰疝瘕少

腹寬熱而痛出白一名曰蠱

腎少陰脈自股內後廉貫脊屬腎絡膀胱故少腹寬

熱而痛溲出白液也寬熱內結消鑠脂肉如蟲之食日內損削故一名曰蠱

當此之時可按

可藥弗治腎傳之心病筋脈相引而急病名曰癰

腎不足則

水不生水不生則筋燥急故相引也陰氣內弱陽氣外蟠筋脈受熱而自跳掣故名曰癰當此之時

可灸可藥弗治滿十日法當死

至心而氣極則如是矣若復傳行當如下說

腎因傳之心心即復反傳而行之肺發寒熱法當三歲

死

因腎傳心心不受病即而復反傳與肺金肺已再傷故寒熱也三歲者肺至腎一歲腎至肝一歲肝至心

一歲火又乘肺故云三歲死

此病之次也

謂傳勝之次第

然其卒發者不必

治其傳

不必依傳之次故不必以傳治之

或其傳化有不以次不以次

入者憂恐悲喜怒令不得以其次故令人有大病矣

憂恐

悲喜怒發無常分觸遇則發故令病氣亦不次而生

因而喜大虛則腎氣乘矣

喜

心氣移於肺心氣不守故腎氣乘矣

怒則肝氣乘矣

怒

氣逆故肝氣乘脾

悲則肺氣乘矣

悲則肺氣移於肝肝氣受邪故肺氣乘矣宣明五氣篇曰

精氣并於肺則悲恐則脾氣乘矣

恐則腎氣移於心腎氣不守故脾氣乘矣宣明五氣篇曰

精氣并於腎則恐

憂則心氣乘矣

憂則肝氣移於脾肝氣不守故心氣乘矣宣明五氣篇曰

精氣并於肝則憂

此其道也

此其不次之常道

故病有五五五二十五

變及其傳化

五藏相并而各五之五而乘之則二十五變也然其變化以勝相傳傳而不次變化

多端

新校正云按陰陽別論云凡陽有五五五二十五陽義與此通

傳乘之名也

言傳者何

相乘之異名爾

大骨枯槁大肉陷下胃中氣滿喘息不便其氣

動形期六月死真藏脈見乃予之期日

皮膚乾著骨間肉陷謂大骨枯

槁大肉陷下也諸附骨際及空竅處亦同其類也胃中氣滿喘息不便足肺无主也肺司治節氣息由之其氣動形為无氣相接故聳舉肩背以遠求報氣矣夫如是皆形藏已敗神藏亦傷見是證者期後一百八十日內

死矣候見真藏之脈乃與死日之期
爾真藏脈診下經備矣此肺之藏也
大骨枯槁大肉陷

下胷中氣滿喘息不便內痛引肩項期一月死真藏見

乃予之期日

火精外出陽氣上燔金受火災故內痛肩項如是者期後三十日內死此心之藏也

大骨枯槁大肉陷下胷中氣滿喘息不便內痛引肩項

身熱脫肉破胷真藏見十月之內死

陰氣微弱陽氣內燔故身熱也胷者

肉之標脾主肉故肉如脫盡胷如破敗也見斯證者期後三百日內死胷謂肘膝後肉如塊者此脾之藏也

大骨枯槁大肉陷下肩髓內消動作益衰真藏未見期

一歲死見其真藏乃予之期日

肩髓內消謂缺盆深也衰於動作謂交接漸微

以餘藏尚全故期後三百六十五日內死此腎之藏也
新校正云按全元起本及甲乙經真藏未見作來見

來當作未字之誤也

大骨枯槁大肉陷下胷中氣滿腹內痛心中

不便肩項身熱破胷脫肉目匡陷真藏見目不見人立

死其見人者至其所不勝之時則死

木生夫火肝氣通心脈抵少腹上布

脇肋循喉嚨之後上入頤頤故腹痛心中不便肩項身
熱破胷脫肉也肝主目故目匡陷及不見人立死也不

勝之時謂於庚辛之月此肝之藏也

急虛身中卒至五藏絕閉脈道不通

氣不往來譬如墮溺不可為期

言五藏相移傳其不勝則可待真藏脈見乃與

死日之期卒急虛邪中於身內則五藏絕閉脈道不
通氣不往來譬如墮溺沒溺不可與為死日之期也其

脈絕不來若人一息五六至其形肉不脫真藏雖不見

猶死也

是則急虛卒至之脈

新校正云按人一息脈

五六至何得為死必息字誤息當作呼乃是

真肝脈至中外急如循刀刃責責然如按琴瑟弦色青
白不澤毛折乃死真心脈至堅而搏如循薏苡子累累
然色赤黑不澤毛折乃死真肺脈至大而虛如以毛羽
中人膚色白赤不澤毛折乃死真腎脈至搏而絕如指
彈石辟辟然色黑黃不澤毛折乃死真脾脈至弱而乍
數乍疎色黃青不澤毛折乃死諸真藏脈見者皆死不

治也

新校正云按楊上善云无餘物和襍故名真也五藏之氣皆胃氣和之不得獨用如至剛不得獨用

獨用則折和柔用之即固也五藏之氣和於胃氣即得長生若真獨見必死欲知五藏真見為死和胃為生者於寸口診即可知見者如弦是肝脈也微弦為平和微弦謂二分胃氣一分弦氣俱動為微弦三分並是弦而无胃氣為見真

黃帝曰見真藏曰死何也岐伯曰五藏

藏餘四藏準此

者皆稟氣於胃胃者五藏之本也

胃為水穀之海故五藏稟焉

藏氣

者不能自致於手太陰必因於胃氣乃至於手太陰也

平人之常稟氣於胃胃氣者平人之常氣故藏氣因胃乃能至於手太陰也

新校正云詳平人之常至下平

人之常氣本平人氣象論文王氏引注此經按甲乙經云人常稟氣於胃脈以胃氣為本與此小異然甲乙之

義為得

故五藏各以其時自為而至於手太陰也

自為其狀至於手太

陰也故邪氣勝者精氣衰也故病甚者胃氣不能與之俱

至於手太陰故真藏之氣獨見獨見者病勝藏也故曰

死是所謂脈無胃氣也平人氣象論曰人無胃氣曰逆逆者死

帝曰善

新校正云詳自黃帝問至此一段全

元起本在第四卷太陰陽明表裏篇中王冰移於此處必言此者欲明王氏之功於素問多矣黃帝曰凡

治病察其形氣色澤脉之盛衰病之新故乃治之無後

其時

欲必先時而取之

形氣相得謂之可治

氣盛形盛氣虛色形虛是相得也

澤以浮謂之易已

氣色浮潤血氣相營故易已

脈從四時謂之可治

脈春弦夏鉤秋浮冬營為順四時從順也脈弱以滑是有胃氣命曰易治取

之以時

候可取之時而取之則萬舉萬全當以四時血氣所在而為療爾新校正云詳取之以時甲乙經

作治之趨之无後其時與王氏之義兩通

形氣相失謂之難治

形盛氣虛氣盛形虛皆相失也

色夭不澤謂之難已

夭謂不明而惡不澤謂枯燥也

脈實以堅謂之益

甚

脈實以堅是邪氣盛故益甚也

脈逆四時為不可治

以氣逆故疾上四句是謂四難所以

下文

必察四難而明告之

此四粗之所易語工之所難為

所謂逆四時

者春得肺脈夏得腎脈秋得心脈冬得脾脈其至皆懸

絕沈瀦者命曰逆四時

春得肺脈秋來見也夏得腎脈冬來見也秋得心脈夏來見也

冬得脾脈春來見也懸未有藏形於春夏而脈沈瀦

新校

正云按平人氣象論絕謂如懸物之絕去也秋冬而脈浮大名曰逆四時也

未有

云而脈瘦義與此同謂未有藏脈病熱脈靜泄而脈大脫血而脈實病在中

脈實堅病在外脈不實堅者皆難治

皆難治者以其與證不相應也新

校正云按平人氣象論云病在中脈虛病在外脈瀦堅與此相反此經誤彼論為得自未有藏形春夏至此與

平人氣象論相重注義備於彼

黃帝曰余聞虛實以決死生願聞其情

岐伯曰五實死五虛死

五實謂五藏之實五虛謂五藏之虛

帝曰願聞五

實五虛岐伯曰脈盛皮熱腹脹前後不通悶瞀此謂五

實

實謂邪氣盛實然脈盛心也皮熱肺也
腹脹脾也前後不通腎也悶瞋肝也

脈細皮寒氣

少泄利前後飲食不入此謂五虛

虛謂真氣不足也然
脈細心也皮寒肺也

氣少肝也泄利前後
腎也飲食不入脾也

帝曰其時有生者何也岐伯曰漿

粥入胃泄注止則虛者活身汗得後利則實者活此其

候也

全注飲粥得入於胃胃氣和調其利漸止胃氣得實
虛者得活言實者得汗外通後得便利自然調平

三部九候論篇第二十

新校正云按全元起本
在第一卷篇名決死生

黃帝問曰余聞九鍼於夫子衆多博大不可勝數余願

聞要道以屬子孫傳之後世著之骨髓藏之肝肺歆血

而受不敢妄泄

血飲血也

令合天道

新校正云按全元起本云令合天地

必

有終始上應天光星辰歷紀下副四時五行貴賤更互

冬陰夏陽以人應之奈何願聞其方

天光謂日月星也歷紀謂日月行歷

於天二十八宿三百六十五度之分紀也言以人形血

氣榮衛周流合時候之遷移應日月之行道然斗極旋

運黃赤道差冬時日依黃道近南故陰多夏時日依黃

道近北故陽盛也夫四時五行之氣以王者為貴相者

為賤

岐伯對曰妙乎哉問也此天地之至數

道貫精微故云妙問

至數謂至極之數也帝曰願聞天地之至數合於人形血氣通決

死生為之奈何岐伯曰天地之至數始於一終於九焉

九奇數也故天地之數斯為極矣

一者天二者地三者人因而三之三

三者九以應九野

爾雅曰邑外為郊郊外為甸甸外為牧牧外為林林外為坵坵外為野言

其遠也

新校正云詳王引爾雅為證與今爾雅或不同已具前六節藏象論注中

故人有三部

部有三候以決死生以處百病以調虛實而除邪疾

所謂

三部者言身之上中下部非謂寸關尺也三部之內經隧由之故察候存亡悉因於是鍼之補寫邪疾可除也

帝曰何謂三部岐伯曰有下部有中部有上部部各有

三候三候者有天有地有人也必指而導之乃以為真

言必當諮受於師也徵四失論曰受師不卒妄作褻術謬言為道更名自功妄用砭石後遺身咎此其誠也禮

曰疑事無

上部天兩額之動脈

在額兩傍動應於手
足少陽脈氣所行也上

部地兩頰之動脈

在鼻孔下兩傍近於巨膠之分
動應於手足陽明脈氣之所行

上部

人耳前之動脈

在耳前陷者中動應於手
少陽脈氣之所行也

中部天手太

陰也

謂肺脈也在掌後寸口
中是謂經渠動應於手

中部地手陽明也

謂大腸
脈也在

手大指次指歧骨間合

中部人手少陰也

謂心脈也在
掌後銳骨之

端神門之分動應於手也靈樞經持鍼
陰元輸心不病乎對曰其外經病而藏不病故獨取其

經於掌後銳骨

下部天足厥陰也

謂肝脈也在毛際外
之端正謂此也

五里之分卧而取之動應於手也女子
取太衝在足大指本節後二寸陷中是下部地足少陰

也

謂腎脈也在足內踝後跟骨上陷中大絡之分動應手也

下部人足太陰也

謂脾脈也

在魚腹上趨筋間直五里下箕門之分寬鞏足單衣沈取乃得之而動應於手也候胃氣者當取足跗之上衝

陽之分穴中脈動乃應手也

新校正云詳自上部天至此一段舊在當篇之末義不相接此正論三部九候

宜處於斯今依皇甫謐甲乙故下部之天以候肝

足厥陰脈

行其地以候腎

足少陰脈行其中也

人以候脾胃之氣

足太陰脈行其中也

脾藏與胃以膜相連故以候脾兼候胃也

帝曰中部之候奈何岐伯曰亦有

天亦有地亦有人天以候肺

手太陰脈當其處也

地以候胃中之

氣

手陽明脈當其處也經云人以候心當其處也

帝曰

上部以何候之岐伯曰亦有天亦有地亦有人天以候

頭角之氣

位在頭角之分故以候頭角之氣也

地以候口齒之氣

位近口齒故以

候人以候耳目之氣

以位當耳前脈抵於目外眥故以候之

三部者各有

天各有地各有人三而成天

新校正云詳三而成天至合為九藏與六節藏象論

文重注義具彼篇

三而成地三而成人三而三之合則為九九

分為九野九野為九藏

以是故應天地之至數

故神藏五形藏四

合為九藏

所謂神藏者肝藏魂心藏神脾藏意肺藏魄腎藏志也以其皆神氣居之故云神藏五也

所謂形藏者皆如器外張虛而不屈含藏於物故云形藏也所謂形藏四者一頭角二耳目三口齒四胷中也

新校正云詳注說神藏宣明五氣篇文又與生氣通天論注六節藏象論注重

五藏已敗其

色必天天必死矣

大謂死色異常之候也色者神之旗藏者神之舍故神去則藏敗藏敗則

色見異常之候死也

帝曰以候奈何岐伯曰必先度其形之肥瘦

以調其氣之虛實實則寫之虛則補之

度謂量也實寫虛補此所謂順

天之道也老子曰天之道損有餘補不足也

必先去其血脈而後調之無問

其病以平為期

血脈滿堅謂邪留止故先刺去血而後乃調之不當詢問病者盈虛要以脈氣

平調為之期準爾

帝曰決死生奈何

度形肥瘦調氣盈虛不問病人以平為準死生之證

以決之也

岐伯曰形盛脈細少氣不足以息者危

形氣相反故生氣至

危玉機真藏論曰形氣相得謂之可治今脈氣不足形盛有餘證不相符故當危也危者言其近死猶有生者也刺志論曰氣實形實氣虛形虛此其常也反此者病今脈細少氣是為氣弱體壯盛是為形盛形盛氣弱故生氣傾危新校正云按全元起注本及甲乙經脈經危作死形瘦脈大胃中多氣者

死是則形氣不足脈氣有餘也故死形瘦脈大胃中氣多形藏已傷故云死也凡如是類皆形氣不相得也

形氣相得者生參伍不調者病

參謂參校伍謂類伍參校類伍而有不調謂不

率其常三部九候皆相失者死

失謂氣候不相類也相失之候診凡有七七診

之狀如

下文云上下左右之脈相應如參春者病甚上下左右

相失不可數者死

三部九候上下左右凡十八診也如參春者謂大數而鼓如參春杵之上

下也脈要精微論曰大則病進故病甚也不可數者謂一息十至已上也脈法曰人一呼而脈再至一吸脈亦再至曰平三至曰離經二至曰脫精五至曰死六至曰命盡今相失而不可數者是過十至之外也至五尚死況至十者乎

中部之候雖獨調與衆藏相失者死中部之候

相減者死

中部左右凡六診也上部下部已不相應中部獨調固非其久減於上下是亦氣衰故皆

死也減謂偏少也

臣億等詳舊無中部之候相減者死

八字按全元起注本及甲乙經添之且注有解減之說

而經闕其文此脫

在王注之後也

目內陷者死

言太陽也太陽之脈起於目內眥目內陷者太

陽絕也故死所以言太陽者太陽主諸陽之氣故獨言之

帝曰何以知病之所在岐

伯曰察九候獨小者病獨大者病獨疾者病獨遲者病

獨熱者病獨寒者病獨陷下者病

相失之候診凡有七者此之謂也然脈見

七診謂參伍不調隨其獨異以言其病爾

以左手足上上去踝五寸按之庶

右手足當踝而彈之

手足皆取之然手踝之上手太陰脈足踝之上足太陰脈足太陰脈

主肉應於下部手太陰脈主氣應於中部是以下文云腕肉身不去者死中部乍疎乍數者死臣億等按甲乙

經及全元起注本並云以左手足上去踝五寸而按之右手當踝而彈之全元起注云內踝之上陰交之出通

於膀胱係於腎腎為命門是以取之以明吉凶今文少一而字多一庶字及足字王注以手足皆取為解殊為

穿鑿當從全元起注其應過五寸以上蠕蠕然者不病舊本及甲乙經為正

氣和故也其應疾中手渾渾然者病中手徐徐然者病

渾渾亂也

徐徐緩也其應上不能至五寸彈之不應者死氣絕故是以

脫肉身不去者死殺氣外衰則肉如脫盡天真內竭故身不能行真殺並衰故死之至矣去

猶行去也中部乍疎乍數者死乍疎乍數氣之喪亂也故死其脈代而鈞

者病在絡脈鈞為夏脈又夏氣在絡故病在絡脈也絡脈受邪則經脈滯否故代止也九候

之相應也上下若一不得相失上下若一言遲速小大等也一候後

則病二候後則病甚三候後則病危所謂後者應不俱

也俱猶同也一也察其府藏以知死生之期夫病入府則愈入藏則死故死生期

準察以必先知經脈然後知病脈經脈四時五藏之脈真藏脈見

者勝死

所謂真藏脈者真肝脈至中外急如循刀刃責

子累累然真脾脈至弱而乍數乍疎真肺脈至大而虛

如毛羽中人膚真腎脈至搏而絕如指彈石辟辟然凡

此五者皆謂得真藏脈而無胃氣也平人氣象論曰胃

者平人之常氣也人無胃氣曰逆逆者死此之謂也勝

死者謂勝剋於己之時則死也平人氣象論曰肝見庚

辛死心見壬癸死脾見甲乙死肺見丙丁死腎見戊己

死是謂足太陽氣絕者其足不可屈伸死必戴眼足太

勝死也

起於目內眥上額交巔上從巔入絡腦還出別下項循

肩膊內俠脊抵腰中其支者復從肩膊別下貫髀過髀

樞下合膕中貫腓循踵至足外側太陽氣絕死如是矣

新校正云按診要經終論載三陽三陰脈終之證此

獨犯足太陽氣絕一證餘應闕文也又注貫髀甲乙經

作貫脾王氏注厥論刺瘡論各作貫脾又注刺腰痛論

作貫醫詳甲乙
經注醫當作脾

帝曰冬陰夏陽奈何

言死時也

岐伯曰九候

之脈皆沈細懸絕者為陰主冬故以夜半死盛躁喘數

者為陽主夏故以日中死

位无常居物極則反也乾坤之義陰極則龍戰于野陽極

則亢龍有悔是以陰陽極脈死於夜半日中也

是故寒熱病者以平旦死

亦物極則

變也平曉木王木氣為風故木王之時寒熱病死生氣通天論曰因於露風乃生寒熱由此則寒熱之病風薄

所為也

熱中及熱病者以日中死

陽之極也

病風者以日夕死

外酉衝也

病水者以夜半死

水王之故也

其脈乍疎乍數乍遲乍疾

者日乘四季死

辰戌丑未土寄王之脾氣內絕故日乘四季而死也

形肉已脫九

候雖調猶死

亦謂形氣不相得也證前脫肉身不去者九候雖平調亦死也

七診雖見

九候皆從者不死

但九候順四時之令雖七診互見亦生矣從謂順從也

所言不

死者風氣之病及經月之病似七診之病而非也故言

不死

風病之脈診大而數月經之病脈小以微雖候與七診之狀畧同而死生之證乃異故不死也

若

有七診之病其脈候亦敗者死矣

言雖七診見九候從者不死若病同七診

之狀而脈應敗亂縱九候皆順猶不得生也

必發噦噦

胃精內竭神不守心故死之時發斯噦噦

宣明五氣篇曰心為噦胃為噦也

必審問其所始病與今之所方病

正

也言必當原其始而要終也

而後各切循其脈視其經絡浮沈以上

下逆從循之其脈疾者不病

氣強盛故

其脈遲者病

氣不足故脈

不往來者死

精神去也

皮膚著者死

骨乾枯也

帝曰其可治者奈

何岐伯曰經病者治其經

求有過者

孫絡病者治其孫絡血

有血留止刺而去之

新校正云按甲乙經云絡病者治其絡血无二孫字

血病身有痛者

治其經絡

靈樞經曰經脈為裏支而橫者為絡絡之別者為孫絡由是孫絡則經之別支而橫也

新校正云按甲乙經无血病二字

其病者在奇邪奇邪之脈則繆刺之

奇謂奇繆不偶之氣而與經脈繆處也由是故繆刺之繆刺者刺絡脈左取右右取左也

留瘦不移

節而刺之

病氣淹留形容減瘦證不移易則消息節級養而刺之此又重明前經无問其病以平為

也期者

上實下虛切而從之索其結絡脈刺出其血以見

通之

結謂血結於絡中也血去則經隧通矣前經云先去血脈而後調之明其結絡乃先去也新校正

云詳經文以見通之瞳子高者太陽不足戴眼者太陽

甲乙經作以通其氣

已絕此決死生之要不可不察也

此復明前太陽氣欲絕及已絕之候也

手指及手外踝上五指留鍼

錯簡文也

黃帝內經素問卷六

黃帝內經素問卷六音釋

玉機真藏論

古代

窠

愈音

脰

渠殞切

瞽

莫侯切

三部

九候

論

所甲切
飲血也

衄

古營切

蠕

而充切

黃帝內經素問卷六音釋

欽定四庫全書薈要卷一萬四百三十三子部

黃帝內經素問卷七

唐王冰次注

宋林億等校正

經脈別論

藏氣法時論

宣明五氣篇

血氣形志篇

經脈別論篇第二十一

新校正云按全元起本在第四卷中

黃帝問曰人之居處動靜勇怯脈亦為之變乎岐伯對

曰凡人之驚恐恚勞動靜皆為變也

變謂變易常候

是以夜行

則喘出於腎

腎王於夜氣合幽冥故夜行則喘息內從腎出也

淫氣病肺

夜行腎勞

因而喘息氣淫不次則病肺也

有所墮恐喘出於肝

恐生於肝墮損筋血因而奔喘故出

於肝也

淫氣害脾

肝木妄淫害脾土也

有所驚恐喘出於肺

驚則心無所倚

神無所歸氣亂胃中故喘出於肺也

淫氣傷心

驚則神越故氣淫反傷心矣

度水跌仆

喘出於腎與骨

濕氣通腎骨腎主之故度水跌仆喘出腎骨矣跌謂足跌仆謂身倒也

當

是之時勇者氣行則已怯者則著而為病也

氣有強弱神有壯懦

故殊狀也

故曰診病之道觀人勇怯骨肉皮膚能知其情以

為診法也

通達性懷得其情狀乃為深識診契物宜也

故飲食飽甚汗出於

胃

飽甚胃滿故汗出於胃也

驚而奪精汗出於心

驚奪心精神氣浮越陽內薄之故汗

出於心也持重遠行汗出於腎

骨勞氣越腎復過疲故持重遠行汗出於腎也

疾走

恐懼汗出於肝

暴役於筋肝氣罷極故疾走恐懼汗出於肝也

搖體勞苦汗出

於脾

搖體勞苦謂動作施力非疾走遠行也然動作用力則穀精四布脾化水穀故汗出於脾也

故

春秋冬夏四時陰陽生病起於過用此為常也

不適其性而強

云為過即病生此其常理五臟受氣蓋有常分用而過耗是以病生故下文曰

食氣入胃散精

於肝淫氣於筋

肝養筋故胃散穀精之氣入於肝則浸淫滋養於筋絡矣

食氣入胃

濁氣歸心淫精於脈

濁氣穀氣也心居胃上故濁氣歸心淫溢精微入於脈也何者心主

故脈氣流經經氣歸於肺肺朝百脈輸精於皮毛

言脈氣流

運乃為大經經氣歸宗上朝於肺肺為華蓋位復居高治節由之故受百脈之朝會也平人氣象論曰藏真高

於肺以行榮衛陰陽由此故肺朝毛脈合精行氣於府

百脈然乃布化精氣輸於皮毛矣

府謂氣之所聚處也是謂氣府精神明留於四藏氣歸

海在兩乳間名曰膻中也

於權衡

膻中之布氣者分為三隧其下者走於氣街上者走於息道宗氣留於海積於胃中命曰氣海

也如是分化乃四藏安定三焦

權衡以平氣口成寸以

平均中外上下各得其所也

決死生

三世脈法皆以三寸為寸關尺之分故中外高下氣緒均平則氣口之脈而成寸也夫氣口者

脈之大要會也百脈盡朝故以其分決死生也飲入於胃遊溢精氣上輸於脾

水飲流下至於中焦水化精微上為雲霧雲霧散變脾乃注於脾靈樞經曰上焦如霧中焦如漚此之謂也

氣散精上歸於肺通調水道下輸膀胱水土合化上滋肺金金氣通腎

故調水道轉注下焦膀胱稟化乃為水精四布五經並漚矣靈樞經曰下焦如瀆此之謂也

行合於四時五藏陰陽揆度以為常也從是水精布經氣行筋骨成血

氣順配合四時寒暑證符五藏陰陽揆度盈虛用為常道度量也以用也新校正云按一本云陰陽動靜

太陽藏獨至厥喘虛氣逆是陰不足陽有餘也陰謂腎陽謂膀胱

肱也故表裏當俱寫取之下俞陽獨至謂陽氣盛至也陽獨至為陽有餘陰不

足則陽邪入故表裏俱寫取足六俞也下俞足俞也
新校正云詳六當為穴字之誤也按府有六俞藏止五

俞今藏府俱寫不當言六俞六俞則不能兼藏言穴俞則藏府兼舉陽明藏獨至是陽氣

重并也當寫陽補陰取之下俞

陽氣重并故寫陽補陰

少陽藏獨

至是厥氣也蹻前卒大取之下俞

蹻謂陽蹻脈在足外踝下足少陽脈行抵

絕骨之端下出外踝之前循足跗然蹻前卒大則少陽之氣盛也故取足俞少陽也少陽獨至者

一陽之過也

一陽少陽也過謂太過也以其太過故蹻前卒大焉

太陰藏搏者用

心省真

見太陰之脈伏鼓則當用心省察之若是真藏之脈不當治也

五脈氣少胃氣

不平三陰也

三陰太陰脾之脈也五藏脈少胃氣不調是亦太陰之過也

宜治其下

俞補陽寫陰

以陰氣太過故

一陽獨嘯少陽厥也

嘯謂耳中鳴如嘯聲也膽

及三焦脈皆入耳故氣逆上則耳中鳴

新校正云詳

此上明三陽此言三陰今此再言少陽而不及少陰者

疑此一陽乃二陰之誤也又按全元陽并於上四脈爭

起本此為少陰厥顯知此即二陰也

張氣歸於腎

心脾肝肺四脈爭張陽并於上

宜治其經

絡寫陽補陰

陰氣足則陽氣不復并於上矣

一陰至厥陰之治也真虛

痛心厥氣留薄發為白汗調食和藥治在下俞

一或作二誤也

厥陰一陰也上言二陰至則當少陰治下言厥陰治則當一陰至也然三墳之經俗久淪墜人少披習字多傳

誤寫帝曰太陽藏何象岐伯曰象三陽而浮也帝曰少陽

藏何象岐伯曰象一陽也一陽藏者滑而不實也帝曰

陽明藏何象岐伯曰象大浮也

新校正云按太素及全元起本云象心之太浮

也太陰藏搏言伏鼓也二陰搏至腎沈不浮也

明前獨至之脈

狀也新校正云詳前脫二陰此無一陰闕文可知

藏氣法時論篇第二十二

新校正云按全元起本在第十一卷又於第六卷脈要篇末

出重

黃帝問曰合人形以法四時五行而治何如而從何如而逆得失之意願聞其事岐伯對曰五行者金木水火

土也更貴更賤以知死生以決成敗而定五藏之氣間

甚之時死生之期也帝曰願卒聞之岐伯曰肝主春

應以

木足厥陰少陽主治

厥陰肝脈少陽膽脈肝與膽合故治同

其日甲乙

乙甲

為木東方干也

肝苦急急食甘以緩之

甘性和緩按全元起云

肝苦急是

其氣

心主夏

以應火也

手少陰太陽主治

少陰心脈太陽小腸脈心與小腸合

故治

其日丙丁

丙丁為火南方干也

心苦緩急食酸以收之

收斂性

本云心甚緩是心氣虛

脾主長夏

長夏謂六月也夏為土母土長于中以長

而治故云長夏

新校正云按全元起云脾主四季六月是火王之處蓋以脾主中央六月是十二月之中一

年之半故脾

足太陰陽明主治

太陰脾脈陽明胃脈脾與胃合故治同

其

日戊己

戊己為土中央干也

脾苦濕急食苦以燥之

苦性乾燥

肺主秋

以應金也

手太陰陽明主治

太陰肺脈陽明大腸脈肺與大腸合故治同

其日庚

辛

庚辛為金西方干也

肺苦氣上逆急食苦以泄之

苦性宣泄肺用之

新

校正云按全元起云肺氣上逆是其氣有餘

腎主冬

以應水也

足少陰太陽主治

少陰腎脈太陽膀胱脈腎與膀胱合故治同

其日壬癸

壬癸為水北方干也

腎苦燥急

食辛以潤之開腠理致津液通氣也

辛性津潤也然腠理開津液達則肺

氣下流腎與肺通故云通氣也

病在肝愈於夏

子制其鬼也餘愈同

夏不愈甚於

秋

子休鬼復王也餘甚同

秋不死持於冬

鬼休而母養故氣執持於父母之鄉也餘持同

起於春

自得其位故復起餘起同

禁當風

以風氣通於肝故禁而勿犯

肝病者愈

在丙丁

丙丁應夏

丙丁不愈加於庚辛

庚辛應秋

庚辛不死持於

壬癸

壬癸應冬

起於甲乙

木也應春

肝病者平旦慧下晡甚夜半

靜

木王之時故爽慧也金王之時故加甚也水王之時故靜退也餘慧甚同其靜小異

肝欲散急

食辛以散之

以藏氣常散故以辛發散也陰陽應象大論曰辛甘發散為陽也平人氣象論曰藏

真散於肝言其常發散也

用辛補之酸寫之

辛味散故補酸味收故寫新校正云按全元

起本云用酸補之辛寫之自為一義

病在心愈在長夏長夏不愈甚於冬

冬不死持於春起於夏

如肝例也

禁溫食熱衣

熱則心躁故禁止之

心

病者愈在戊己

戊己應長夏也

戊己不愈加於壬癸

壬癸應冬

壬癸

不死持於甲乙

甲乙應春

起於丙丁

應夏火也

心病者日中慧夜

半甚平旦靜

亦休王之義也

心欲與急食鹹以與之

以藏氣好與故以言

柔與也平人氣象論曰藏真通於心言其常欲柔與也

用鹹補之甘寫之

鹹補取其柔與

甘寫取其舒緩

病在脾愈在秋秋不愈甚於春春不死持於夏

起於長夏禁溫食飽食濕地濡衣

溫濕及飽並傷脾氣故禁止之

脾病者

愈在庚辛

應秋氣也

庚辛不愈加於甲乙

應春氣也

甲乙不死持

於丙丁

應夏氣也

起於戊己

應長夏也

脾病者日昃慧日出甚

新校

正云按甲乙經日出作平旦雖日出與平旦時等按前文言木王之時皆云平旦而不云日出蓋日出於冬夏之期有早晚不若下晡靜

土王則爽慧木剋則增甚金扶則靜退亦休王之義也一

本或云日中持者謬也原五藏之病皆以勝相加至其所生而愈至其所不勝而甚至於所生而持自得其位而起由是故皆有間脾欲緩急食甘以緩之

甘性舒緩也順其緩也

用苦寫之甘補之

苦寫取其堅燥甘補取其安緩

病在肺愈在冬冬不

愈甚於夏夏不死持於長夏起於秋

例如肝也

禁寒飲食寒

衣

肺惡寒氣故衣食禁之靈樞經曰形寒寒飲則傷肺飲尚傷肺其食甚焉肺不獨惡寒亦畏熱也

肺

病者愈在壬癸

應冬水也

壬癸不愈加於丙丁

應夏火也

丙丁不

死持於戊己

長夏土也

起於庚辛

應秋金也

肺病者下晡慧日中

甚夜半靜

金王則慧水王則靜火王則甚

肺欲收急食酸以收之

以酸性收

飲故也

用酸補之辛寫之

酸收飲故補辛發散故寫

病在腎愈在春春

不愈甚於長夏長夏不死持於秋起於冬

例如肝也

禁犯燥

煖熱食溫炙衣

腎性惡燥故此禁之新校正云按別本燥作燥

腎病者愈在甲

乙

應春木也

甲乙不愈甚於戊己

長夏土也

戊己不死持於庚辛

應秋金也

起於壬癸

應冬水也

腎病者夜半慧四季甚下晡靜

水王

則慧土王則甚金王則靜腎欲堅急食苦以堅之以苦性堅燥也用苦補之

鹹寫之苦補取其堅也鹹寫取其裏也夫邪氣之容於身

也以勝相加邪者不正之目風寒暑濕饑飽勞逸皆是邪也非惟鬼毒疫癘也至其所

生而愈謂至已所生也至其所不勝而甚謂至克已之氣也至於所生

而持謂至生已之氣也自得其位而起居所王處謂自得其位也必先定五

藏之脈乃可言間甚之時死生之期也五藏之脈者謂肝弦心鈞肺浮

腎營脾代知是則可言死生間甚矣三部九肝病者兩

脇下痛引少腹令人善怒肝厥陰脈自足而上環陰器抵少腹又上貫肝膈布脇肋

故兩脇下痛引少腹也其氣實虛則目眈眈無所見耳則善怒靈樞經曰肝氣實則怒

無所聞善恐如人將捕之

肝厥陰脈自脇肋循喉嚨入

者從耳後入耳中出走耳前至目銳眦後故病如是也恐謂恐懼魂不安也

取其經厥陰與

少陽

經謂經脈也非其絡病故取其經也取厥陰以治肝氣取少陽以調氣逆也故下文曰

氣逆

則頭痛耳聾不聰頰腫

肝厥陰脈自目系上出額與督脈會於顛故頭痛膽少陽脈支

別者從耳中出走耳前又支別者加頰車又厥陰之脈支別者從目系下頰裏故耳聾不聰頰腫也是以上文

兼取少陽也

取血者

脈中血滿獨異於常乃氣逆之診隨其左右有則刺之

心病者胃

中痛脇支滿脇下痛膺背肩甲間痛兩臂內痛

心少陰脈支別

者循胃出脇入手心主厥陰之脈起於胃中其支別者亦循胃出脇下掖三寸上抵掖下下循臑內行太陰少陰之間入肘中下循臂行兩筋之間又心少陰之脈直行者復從心系却上肺上出掖下下循臑內後廉行太陰主之後下肘內循臂內後廉抵掌後腕骨之端又小腸太陽之脈自臂臑上繞肩甲交肩上故病如是虛則胃腹大脇下與腰相引而痛

手主心主厥陰之脈從胃中出屬心包下隔

歷絡三焦其支別者循胃出脇心少陰之脈自心系下隔絡小腸故病如是也取其經少陰太

陽舌下血者

少陰之脈從心系上俠咽喉故取舌本下及經脈血也

其變病刺却

中血者

其或嘔變則刺少陰之却血滿者也手少陰之却在掌後脈中去腕半寸當小指之後

脾

病者身重善肌肉痿足不收行善瘈脚下痛

脾象土而主肉故身

重肉痿也痿謂萎無力也脾太陰之脈起於足大指之端循指內側上內踝前廉上膕內腎少陰之脈起於足

小指之下斜趣足心上膕內出膕內廉故病則足不收行善瘕脚下痛也故下取少陰新校正云按甲乙經

作善飢肌肉痿千金方云善飢足痿不收行善瘕虛則腹滿腸氣交變大論云肌肉萎足痿不收行善瘕

鳴飧泄食不化脾太陰脈從股內前廉入腹屬脾絡胃故病如是靈樞經曰中氣不足則腹為

之善滿腸取其經太陰陽明少陰血者少陰腎脈也以為之善鳴取其經太陰陽明少陰血者前病行善瘕脚

下痛故取之而出肺病者喘欬氣逆肩背痛新校正云血滿者出之肺病者喘欬氣逆肩背痛按千金方

作肩息汗出尻陰股膝新校正云按甲乙經脈經作膝攣髀膕胫足皆背痛

肺藏氣而主喘息在變動為欬故病則喘欬逆氣也背為胃中之府肩接近之故肩背痛也肺養皮毛邪

盛則心液外泄故汗出也腎少陰之脈從足下上循臍內出臍內廉上股內後廉貫脊屬腎絡膀胱今肺病則腎脈受邪故尻陰股膝脾臍虛則少氣不能報息耳聾

喘乾中故聾也腎少陰之脈從腎上貫肝膈入肺中循

喉嚨俠舌本今肺虛則腎氣不足以上潤取其經太陰於喘故喘乾也是以下文兼取少陰也

足太陽之外厥陰內血者足太陽之外厥陰內者正謂

陰脈也視左右足脈少陰部分腎病者腹大脰腫新校有血滿異於常者即而取之

按甲乙經喘欬身重寢汗出憎風上循臍復從橫骨中

云脰腫痛俠齊循腹裏上行而入肺故腹大脰腫而喘欬也腎病則骨不能用故身重也腎邪攻肺心氣內微心液為汗

故寢汗出也脛既腫矣汗復津泄陰凝玄府陽燥上焦內熱外寒故憎風也憎風謂深惡之也

中痛大腹小腹痛清厥意不樂

腎少陰脈從肺出絡心注胃中然腎氣既虛心

無所制心氣熏肺故痛聚胃中也足太陽脈從項下行而足腎虛則太陽之氣不能盛行於足故足冷而氣逆也清謂氣清冷厥謂氣逆也以清冷氣逆故大腹小腹痛志不足則神躁擾故不樂也

新校正云按甲乙

經大腹小腹取其經少陰太陽血者

凡刺之道虛則補之實則寫之不盛

不虛以經取之是謂得道經絡有血刺而去之是謂守法猶當揣形定氣先去血脈而後乃平有餘不足焉三部九候論曰必先度其形之肥瘦以調其氣之虛實實則寫之虛則補之必先去其血脈而後調之此之謂也

肝色青宜食甘粳米牛肉棗葵皆甘

肝性喜急故食甘物而取其寬緩也

新校正云詳肝色青至篇末全
元起本在第六卷王氏移於此
心色赤宜食酸小豆

新校正云按甲乙
經太素小豆作麻
犬肉李韭皆酸
物而取其收斂也肺

色白宜食苦麥羊肉杏薤皆苦
肺喜氣逆故食苦脾色

黃宜食鹹大豆豕肉栗藿皆鹹
究斯宜食乃調利關機

胃合故假鹹柔稟以利其關關利而胃氣乃行胃行而
脾氣方化故應脾宜味與衆不同也
新校正云按上

文曰肝苦急急食甘以緩之心苦緩急食酸以收之脾
苦濕急食苦以燥之肺苦氣上逆急食苦以泄之腎苦

燥急食辛以潤之此肝心肺腎食宜皆與前
文合獨脾食鹹宜不用苦故王氏特注其義
腎色黑宜

食辛黃黍雞肉桃葱皆辛
腎性喜燥故食辛
辛散酸收

甘緩苦堅鹹更

皆自然之氣也然辛味苦味匪唯堅散而已辛亦能潤能散苦亦能燥能泄故

上文曰脾苦濕急食苦以燥之肺苦氣上逆急食苦以泄之則其謂苦之燥泄也又曰腎苦燥急食辛以潤之

則其謂辛毒藥攻邪藥謂金玉土石草木菜果蟲魚鳥獸之類皆可以祛邪養正者也然

辟邪安正惟毒乃能以其能然故通謂之毒藥也新校正云按本草云下藥為佐使主治病以應地多毒不

可久服欲除寒熱邪氣破積聚五穀為養謂粳米小豆愈疾者本下經故云毒藥攻邪

也五果為助謂桃李杏五畜為益謂牛羊豕五菜為充

謂葵藿薤蔥韭也新校正云按五常政大論曰大毒治病十去其六常毒治病十去其七小毒治病十去其

八無毒治病十去其九穀肉果菜氣味合而服之以補食養盡之无使過之傷其正也

精益氣

氣為陽化味曰陰施氣味合和則補益精氣矣陰陽應象大論曰陽為氣陰為味歸形形歸

氣氣歸精精歸化精食氣形食味又曰形不足者溫之

以氣精不足者補之以味由是則補精益氣其義可知

新校正云按孫思邈云精以食氣氣養精以榮色形

以食味味養形以生力精順五氣以為靈也若食氣相

惡則傷精也形受味以成也若食味不調則損形也是

以聖人先用食禁以存性後制藥以防命氣味溫補以

存精形此之謂氣味合此五者有辛酸甘苦鹹各有所

而服之以補精益氣也此五者有辛酸甘苦鹹各有所

利或散或收或緩或急或堅或柔四時五藏病隨五味

所宜也

用五味而調五藏配肝以甘心以酸脾以鹹肺以苦腎以辛者各隨其宜欲緩欲收欲與欲泄

欲散欲堅而為用非以相生相養而為義也

宣明五氣篇第二十三

新校正云按全元起本在第一卷

五味所入酸入肝

肝合木而

辛入肺

肺合金而

苦入心

心合火而

鹹入腎

腎合水而

甘入脾

脾合土而味甘也

素又云是謂五入

新校正云按至真要大論云夫五味入胃各歸所喜故酸先入肝苦先入

心甘先入脾辛先入肺鹹先入腎

五氣所病心為噫

象火炎上煙隨焰出心不受穢故噫出之

肺為欬

象金堅勁扣之有聲

邪擊於肺肝為語

象木枝條而形支別語宣委曲故出於肝

脾為吞

象土包容物歸於內

故為欬也

腎為欠為噫

象水下沉上生雲霧氣鬱於胃故欠生焉太陽之氣和利而滿於心

出於鼻則生嚏也

胃為氣逆為噦為恐

胃為水穀之海腎與為關關閉不利則氣逆而上行

也以包容水穀性喜受寒寒穀相薄故為噦也寒盛則噦

起熱盛則恐生何者胃熱則腎氣微弱故為恐也下文曰

精氣并於大腸小腸為泄下焦溢為水

大腸為傳道之府小腸為受盛之府

腎則恐也

大腸小腸為泄下焦溢為水

大腸為傳道之府小腸為受盛之府

受盛之氣既虛傳道之司不禁故為泄利也

膀胱不利為

下焦為分注之所氣窒不寫則溢而為水

膀胱不利為

癰不約為遺溺

膀胱為津液之府水注由之然足三焦脈實約下焦而不通則不得小便便足三焦脈

虛不約下焦則遺溺也靈樞經曰三焦者太陽之別也

並太陽之正入絡膀胱約下焦實則閉癰虛則遺溺

為怒

中正決斷無私無偏其性剛決故為怒也

是謂五病

五精所并精氣并於心則喜

精氣謂火之精氣也肺虛而心精并之則為喜靈樞

經曰喜樂无極則傷魄魄為并於肺則悲肝虛而肺氣并之則為悲

靈樞經曰悲哀動中則傷魂魄并於肝則憂脾虛而肝氣并之則

為憂靈樞經曰愁憂不解則傷意并於脾則畏一經云

意為脾神明肝木并於脾土也并於脾則畏飢也腎

虛而脾氣并之則為畏畏謂畏懼也靈樞經曰恐并於

懼而不解則傷精精為腎神明脾土并於腎水也并於

腎則恐心虛而腎氣并之則為恐靈樞經曰怵惕思慮

懼也此皆正氣不足而勝氣是謂五并虛而相并者也

五藏所惡心惡熱熱則脈肺惡寒寒則氣肝惡風風則

急脾惡濕濕則肉腎惡燥燥則精竭涸新校正云按

痿腫

腎惡燥

楊上善云若余則云肺惡燥

今此肺惡寒腎惡燥者燥在於秋寒之始也寒在於冬燥之終也肺在於秋以肺惡寒之甚故言其終腎在於冬腎惡其始也不甚故言是謂五惡

五藏化液心為汗

泄於皮膚也

肺為涕

潤於鼻竅也

肝為淚

注於目也

脾為涎

溢於唇口也

腎為唾

生於牙齒也

是謂五液

五味所禁辛走氣氣病無多食辛

病謂力少不自勝也

鹹走血血病無

多食鹹苦走骨骨病無多食苦

新校正云按皇甫士安云鹹先走腎此云走血者腎

合三焦血脈雖屬肝心而為中焦之道故鹹入而走血也苦走心此云走骨者水火相濟胃氣通於心也

甘走

肉肉病無多食甘酸走筋筋病無多食酸

是皆為行其氣速故不欲多食

多食則病甚故

是謂五禁無令多食

新校正云按太素五禁云肝病禁辛心病

禁鹹脾病禁酸肺病禁苦腎病禁甘名此為五裁楊上善云口嗜而欲食之不可多也必自裁之命曰五裁

五病所發陰病發於骨陽病發於血陰病發於肉

陰靜

故陽氣從之血脈陽動故陰氣乘之

陽病發於冬陰病發於夏

夏陽氣盛故陰病發

於夏冬陰氣盛故陽病發於冬各隨其少也

是謂五發

五邪所亂邪入於陽則狂邪入於陰則痺

邪居於陽脈之中則四支

熱盛故為狂邪入於陰脈之內則六經凝泣而不通故為痺

搏陽則為巔疾

邪內搏於陽則

脈流薄疾故為上巔之疾搏陰則為瘕

瘕不能言

邪內搏於陰則脈不流故令新校正云按難

經云重陽者狂重陰者癲巢元方云邪入於陰則為癲
脈經云陰附陽則狂陽附陰則癲孫思邈云邪入於陽
則為狂邪入於陰則為血痺邪入於陽傳則為癲瘕邪
入於陰傳則為痛瘕全元起云邪已入陰復傳於陽邪
氣盛腑藏受邪使其氣不朝榮氣不復周身邪與正氣
相擊發動為癲疾邪已入陽陽今復傳於陰藏府受邪
故不能言是勝正也諸陽入之陰則靜陰出之陽則怒
家之論不同今具載之
隨所之而為疾也之往也新校正云按全元起云陽
入陰則為靜出則為恐千金方云陽入於陰病靜陰出
於陽是謂五亂
病怒

五邪所見春得秋脈夏得冬脈長夏得春脈秋得夏脈
冬得長夏脈名曰陰出之陽病善怒不治是謂五邪皆

同命死不治

新校正云按陰出之陽病善怒已見前條此再言之文義不倫必古文錯簡也

五藏所藏心藏神

精氣之化成也靈樞經曰兩精相薄謂之神

肺藏魄

精氣

佐也靈樞經曰並精而出入者謂之魂

肝藏魂

神氣之輔弼也靈樞經曰隨神而往來者謂之魂

脾藏意

記而不忘者也靈樞經曰心有所憶謂之意

腎藏志

專意而不移者也靈樞經曰意

之所存謂之志腎受五藏六府之精元氣之本生成之根為胃之關是以志能則命通

云腎有二枚左為腎藏志右為命門藏精也

是謂五藏所藏

五藏所主心主脈

壅遏榮氣應息而動也

肺主皮

包裹筋肉間拒諸邪也

肝

主筋

束絡機關隨神而運也

脾主肉

覆臟筋骨通行衛氣也

腎主骨

張筋化髓幹以

立身也 是謂五主

五勞所傷久視傷血

勞於心也

久卧傷氣

勞於肺也

久坐傷肉

勞於

脾也

久立傷骨

勞於腎也

久行傷筋

勞於肝也

是謂五勞所傷

五脈應象肝脈絃

直以長也 秉虛而滑端

心脈鉤

如鉤之偃來 盛去衰也

脾

肺脈毛

輕浮而虛 如毛羽也

腎脈石

沈堅而搏 如石之投也

是謂

五藏之脈

血氣形志篇第二十四

新校正云按全元起本此篇併在前篇王氏分出為別篇

夫人之常數太陽常多血少氣少陽常少血多氣陽明

常多氣多血少陰常少血多氣厥陰常多血少氣太陰

常多氣少血此天之常數

血氣多少此天之常數故用鍼之道常寫其多也

新校

正云按甲乙經十二經水篇云陽明多血多氣刺深六分留十呼太陽多血多氣刺深五分留七呼少陽少血多氣刺深四分留五呼太陰多血少氣刺深三分留四呼少陰少血多氣刺深二分留三呼厥陰多血少氣刺深一分留二呼太陰太陰血氣多少與素問不同又陰陽二十五人形性血氣不同篇與素問同蓋皇甫疑而兩存之也

足太陽與少陰為表裏少陽與厥陰為表裏陽明

與太陰為表裏是為足陰陽也手太陽與少陰為表裏

少陽與心主為表裏陽明與太陰為表裏是為手之陰

陽也今知手足陰陽所苦凡治病必先去其血乃去其

所苦伺之所欲然後寫有餘補不足

先去其血謂見血脈盛滿獨異於常

者乃去之不謂常刺則先去其血也

欲知背俞先度其兩乳間中折之更

以他草度去半已即以兩隅相拄也乃舉以度其背令

其一隅居上齊脊大椎兩隅在下當其下隅者肺之俞

也度謂度量也言以草量其乳間四分去一使斜與橫等折為三隅以上隅齊脊大椎則兩隅下當肺俞也

復下一度心之俞也

謂以上隅齊脊三椎也

復下一度左角肝之

俞也右角脾之俞也復下一度腎之俞也是謂五藏之

俞灸刺之度也

靈樞經及中誥咸云肺俞在三椎之傍心俞在五椎之傍肝俞在九椎之傍脾

俞在十一椎之傍腎俞在十四椎之傍尋此經草量之法則合度之人其初度兩隅之下約當肺俞再度兩隅之下約當心俞三度兩隅之下約當七椎七椎之傍乃禹俞之位此經云左角肝之俞右角脾之俞殊與中誥等經不同又四度則兩隅之下約當九椎形樂志苦病九椎之傍乃肝俞也經云腎俞未究其源

生於脈治之以灸刺

形謂身形志謂心志細而言之則七神殊守通而論之則約形

志以為中外爾然形樂謂不甚勞役志苦謂結慮深思不甚勞役則筋骨平調結慮深思則榮衛乖否氣血不順故病生於脈焉夫盛寫虛補是灸刺之道猶當去其血絡而後調之故上文曰凡治病必先去其血乃去其所苦伺之所欲然後寫

有餘補不足則其義也

形樂志樂病生於肉治之以

鍼石

志樂謂悅懌忘憂也然筋骨不勞心神悅懌則肉理相比氣道滿填衛氣怫結故病生於肉也夫衛

氣留滿以鍼寫之結聚膿血石而破之形苦志樂病生石謂石鍼則砭石也今亦以銚鍼代之

於筋治之以熨引

形苦謂修業就役也然修業以為就役而作一過其用則致勞傷勞用以

傷故病生於筋熨引謂導引

形苦志苦病生於咽嗑治之以百藥

修業就役結慮深思憂則肝氣并於脾肝與膽合嗑為之使故病生於嗑也宣明五氣篇曰精氣并於肝則憂奇病論曰肝者中之將也取決於膽咽為之使也形數新校正云按甲乙經咽嗑作困竭百藥作甘藥

驚恐經絡不通病生於不仁治之以按摩醪藥

驚則脈氣併恐

則神不收脈併神游故經絡不通而為不仁之病矣夫按摩者所以開通閉塞導引陰陽醪藥者所以養正祛

邪調中理氣故方之為用宜以此馬醪藥
謂酒藥也不仁謂不應其用則癰痺矣
是謂五形志

也刺陽明出血氣刺太陽出血惡氣刺少陽出血惡血
刺太陰出血氣惡血刺少陰出血氣惡血刺厥陰出血惡氣

也
明前三陽三陰血氣多少之刺約也
新校正云按太素云刺陽明出血氣刺太陰出血氣楊上善注云

陽明太陰雖為表裏其血氣俱盛故並寫血氣如是則太陰與陽明等俱為多血多氣前文太陰一云多血少氣二云多氣少血莫可的知詳太素血氣並寫之旨則二說俱未為得自與陽明同爾又此刺陽明一節宜續前寫有餘補不足下不當隔在草度法五形志後

黃帝內經素問卷七

黃帝內經素問卷七音釋

經脉別論跌仆

赴音

罷極

疲上音

如漚

甌下音

藏氣法時論慧

音焮

七內切

煖

烏開切

眊眊

音荒

臍內

人朱切

宣明五氣篇翕

音嚏

帝音

窒

陟栗切

凝泣

澁

瘖

讀作音

血氣形志論相拄

知庚

切

銑

鉞音

黃帝內經素問卷七音釋

謹案卷六第七頁前三行宣明五氣篇曰刊本篇
作論據本書篇目改

第九頁前五行故身熱也刊本缺熱字據經文補
第九頁前七行真藏未見刊本未作來按吳崑高
世拭本俱作未又按本注新校正云全元起本
及甲乙經真藏未見作來見則此本原作未見
無疑今據改

第十二頁前三行病熱脉靜按平人氣象論病作

風

第十八頁前八行又注刺腰痛論刊本脫痛字據
本書篇目增

第十九頁後五行靈樞經曰刊本樞訛桐今改

音釋第一頁前三行蠕而充切刊本充訛勻據集
韻改

卷七第一頁後五行故喘出於肺也刊本闕故字
據吳崐本引此注補

第二頁前七行用而過耗是以病生刊本耗訛粗
又缺病字據吳崐本引此注改補

第二頁後一行故濁氣歸心刊本缺濁字據經文
補

第六頁後七行禁溫食飽食按高世栻吳崐本溫
食並作濕食

第九頁後六行喘欬氣逆刊本氣逆訛逆氣據張
志聰及吳崐本改


第十一頁前一行全元起本在第六卷刊本在訛
狂今改

第十一頁前三行而取其宣泄也刊本泄訛油今
改

第十三頁前一行胃為水穀之海刊本胃訛以據
經文改

第十八頁後六行又此刺陽明一節刊本明訛則
據經文改

音釋第一頁前三行宣明五氣篇刊本篇訛論據
本書篇目改



總校官候補中書臣吳紹潔

校對官庶吉士臣戴聯奎
謄錄監生臣呂永安